

CILEELELA KULI NDISWE

KUZULIZYA BULULAMI BOONSE

1 Ncoolwe lyoonse kuboola ku ng'anda ya Mwami. Ta ndina, mu buumi bwangu, kusola kubona ciindi cimwi kuti Nda kausa nsoni kuboola ku ng'anda Yakwe. Cili ii...Pele Ndi yeeyela kuti cifumo cino kutandila ciindi ciyumu maningi Nce sola kuboola. Iiyi, mbo mbubo. Aboobo, zintu zila citika mu buumi, tu lizi obo, kuti twe elede kulanganya. Elyo twe elede kuyeeya booboo, kuti ciboola kuli boonse.

2 Elyo tuli lumbide loko cifumo cino, Mbwe bede, alimwi Ndi lizi bakwesu a mucizi wangu bali lumbide loko kuli Leza, kuziba kuti baama baka futulwa.

3 Elyo uli cembeede, alimwi twa kali kulangila eci kwa ciindi cimwi, nkaambo ngu banyina wa banji, alimwi waa mwaya buumi bwakwe. Mu mazuba aa baama, tiiba kajisi zintu nzo bajisi lino, kulanganya bamatumbu cindi niba kajisi bavwanda babo. Antela, ndiza, baama bano jisi umwi wa bana cifumo eco, a kubuka a kucita kusanzya kwa masikati ayo. Elyo aboobo lino balalala mu cibbadela mazuba masyoonto, a misyobo yoonse ya misamu, eyo iliko. Tuli lumbide ku zintu zili boobo zikonzya kugwasya baaba, aba bamatumbu a boonse.

4 Uli munsi loko, loko ku lufu eno. Elyo Nda... [Mukwesu Branham walila—Mul.] Nciyumu buyo i—buyo aniiini cifumo cino, pele nekubaboo Nda—Nda kasyomezya kuba kokuno. Elyo Ndili...

5 Lino, Nse konzyi kwaamba kuti baama bayo unka. Nda kaamba ceeći kanji. Elyo banji mba kamboni, kujatikizya zilengaano. Nda katı, "Ikuti na baama beni bakali lede, kabafwa, a kulanga ku busyu bwangu a kuti, 'Billy, ncinzi—ncinzi ceelede kuba cangu?'" Nda katı, "Citakuti Leza wa ndaambilä, inga Nse ziba. Nse—Nse konzyi kwaamba." Elyo cintu nciconya eco cakacitika. Ikuti na baama bayo unka, Wa kacibamba kuba maseseke kuzwa kuli ndime.

Taata wangu katana kufwa, Nda kabona cilengaano cakwe kaunka.

6 Cindi Ne kacili sizibi, Nda kabona mukwesu wangu, umwi mutaanzi, wa kali kuunka.

7 Howard. Nda kamwaambila nyoonse, myaka yobile na yotatwe katana unka, kutandila kuunka kwakwe.

8 Pele, baama, Ta kaamba bbala kuli ndime. Elyo ikuti na uyo unka, ncintucimwi eco Nce tazi. Nekubakuti, twa kajisi...I

dokotela waamba kuti ta kabona nzila mbwa kapona Munsono mwainda. Elyo walo mucete loko. Pele, nekubaboo, cindi Ne kali . . .

⁹ Kutandila mweezi wainda, mbuli Mbwe kacita kuli Muka. Broy; lyoonse Nda yanda kulingula bantu, kuziba kuti bali munsi kumamanino, kuti babone buyo obo mbo baimikila. Twe elede kuba masimpe kuli ceeći. Ta tuyandi buyo kwaamba kuti, “Ee, antela cili kabotu.” Tu yanda kuba masimpe kuti cili luleme.

¹⁰ Nda kajisi kwaambaula kubotu kwaciindi cilamfu cifumo cimwi a baama. Waa kati, “Billy, Nda—Nda kapona kufumbwa kuti Nke pona.” Waa kati, “Nse jisi cintu cimbi caku ponena.” Waa kati, “Nde elede kuunka.” Elyo kati, “Inga ndasala buyo kuzumanana, kuba a bataata a bamwi bana bambi bali kokuya. Nde elede ku mubona nyoonse, kanji.”

¹¹ Elyo cindi nakali kubikkwa mu ambulansi, kuyo tola ku cibbadela, kuyo pa glukkosi, nkaambo takali kukonzya kulya cintu. Ba kacita kumupa glukkosi kwinda mu nsinga zyakwe. Elyo Nda kati kuli nguwe, cindi nitwa kali kumubikka mu ambulensi, Nda kati, “Lino, baama, zintuzyonse zili kabotu.”

Waa kati, “Ndi sukamina kuunka.”

¹² Elyo Nda kati, “Baama, ikuti na mwakali kundi siya lukono aa nyika, lwa madollar ali mamilioni ali mwaanda, nkambo swebo to bana, na mwakali kutusiila muunzi oyo wakali kuyosika kuzwa ku dolopo kuyaku muunzi, inga tiicaba cintu mbuli kweezyanisa a bumboni obu kuti uli mukutusiya, ‘Ndili libambilide kuunka.’” Ndukono olo mali mpa takonzi kuula, ku ziba ceeco.

¹³ Aboobo nkikaako, mu busyu bwa ceeco, Nda imikila acamba, nkesyoma zintu ezi Nze kakambauka. Eci cileelea ku bamaama, cileelela kuli bamatumbu ba bantu bambi, cileelela kuli ndiswe toonse. Nse kakonzya kwaamba kuti, “Leza, uta mubwezi.” Nkaambo, Ndi lizi kuti kufumbwa buyo buntu bwakwe bufwika bwazwa mu mibili oyu, ujisi umwi umbi uulindila. Elyo uyooba mwanakazi mukubusyi alubo, mu maminiti buyo masyoonto akumana kuzwa awa.

¹⁴ Sena mwakasola kubona muvwanda muniini cindi wazyalwa, milambi yakwe miniini kainyona a kugwinya? Pele cindi caboola aa nyika, ula tambula muuya, elyo mpawo waba buntu bupona. Elyo kufumbwa buyo buntu bwajokela kuzwa ku mibili oyo muniini, kuli umwi umbi uulindila. Mwabona? Nkaambo, lutaanzni, Leza ubamba buntu a muuya, ciinka buyo ku mibili. Elyo, elyo cindi twa zwa awa, tu cinca buyo masena akukkalila a kuunka kuli bumwi bumbi. “Nkambo ikuti na eci cilao canyika camwaisigwa, tuli jisi cimbi cilindila kale.” Aboobo, olo nduumbulizyo lwesu.

Lino atu kombe.

¹⁵ Taata wesu, Wakujulu Wabulemu, ino inga twacita nzi mu maora aya a kubula kapati loko, ikuti na tii kwaali Nduwe? Pele bulangizi bwesu buyakidwe biyo aa Bulowa a bululami bwa Jesu! Elyo tuli kkomene loko kuziba kuti kuli Nyika mutala a mulonga. Kuti cindi Wa mana a ndiswe aa nyika eyi, kuti tu cinca buyo masena esu akukkalila, ku Nyika eyo yabulemu, kutala, oko kutakwe malwazi na kuciswa myoyo, lufu na kwandaanisigwa. Tu yooba a Nduwe lyoonse a bayandwa besu. Aboobo, twa Ku lumba ku bulangizi obu bwabulemu buli mu camba cesu sunu.

¹⁶ Elyo cakaboneka, Mwami, canguzu cifumo cino kuli ndime kuseluka; kutali ku Ku belekela, pele kuziba kuti Nda libilik a kulibuzya nzila buyo mbo Ndiyo konzya kuswena ku Mulumbe oyu cifumo cino ku mbungano, kuti Ndi limvwa kuti Wa bikka ku moyo wangu. Obo sinkondo mbwa kandi tola koonse a koonse a ncico! Pele Ndi jisi kusika boobu, ku cikambaukilo, mu Zina Lyako. Elyo Nda lipa lwangu, a Mulumbe a boonse, mu maanza Aako, a kuziba kuti Ula konzya loko ku Ci tola ku moyo aumwi, a kupa zintuzyonse nzo tu bulide. Twa cituula coonse kuli Nduwe lino, a lwesu, mbuli mulimo Wako; mbuli milomo yangu ncaambawido Cako, a matwi mbuli mboili mukumvwa Kwako. Tu longezye, Mwami.

¹⁷ Elyo akube kuti bamatumbu bamwi, matata, a baabo bayooba mu mazuba aa kuboola, ikuti na inyika iyoima, akube kuti balibambil a kuziba, abalo, kuti beeleder kuselemuka buzubabumwi ku oora eli mutumbu mpa sika. Nda komba, Leza, kuti bayo bamba kulibambil kwabo sunu. Nkambo kwiina cintu comwe cimbi mu inyika eco ejisini makani. Taakwe mali aakonzya kuula, taakwe mpuwo ikonzya kuba aa zintu; taakwe cintu cikonzya kugwasya cita Leza, alimwi Leza alikke. Elyo tu jatilila janza Lyakwe litacinci, mukuziba kuti Wa kati, "Indyato zya mululami zilailwa aa Mwami." Aboobo oku kupenga kuniini nko tujisi lino, mu buumi bwasunu, kuyo amba kuniini loko. Mbuli sikuyabila mbwa kacitondezya, "I mafwabi a lweendo takaboneki cintu, cindi twa kusika ku mamanino a nzila."

¹⁸ Kotu gwasya, Mwami, kubindaanina ku mbaakani ya lwiito lwaatala; mukuziba kuti buzuba bumwi, mu ciindi cipati kutala awa, tuyu swaangana mu bubotu bwa-a-aakale. Longezya Majwi Aako lino. Longezya bazike Bako. Mwana aumwi wa Leza uli omuno, akube kuti myoyo yabo ikasaazigwe a kukopwa cifumo cino. Elyo, Taata, Ndi yandikana cimwi caco, lwangu. Nda komba kuti Uyo cipa, zintu ezi zyoonse, mu Zina lya Mwami Jesu Kristo. Ameni.

¹⁹ Lino Nda bona kuti awa tu jisi nkamu ya tutambala. Elyo Ndili... Tula sika kuli ntuto mu kaindi kasyoonto.

²⁰ Nda kaboola kuzwa mu lweendo oko nko Nda kabede mu lweendo lwa kuvwima, a muntu kutala mukati munsi lya Alaska.

Nywebo mulizi, eci ciindi calo nciindi Nce bikka, cabutololo bwa mwaka, ku kuliya lwangu alimwi, ku kulibambilila ku ziindi zili kumbele lya kuswaangana.

²¹ Nseli tuyumu loko, ee, inga Nda amba, mu nsinga zyangu. Ndi jisi ii—ii ciyanza cibyaabi loko. Elyo Nda mvwisya kuti citola musyobo oyo wa ciyanza kubamba mulimo oyo Mwami ngwa kandipa. To konzyi kuba a zintuzyonse zya bulemu, aa nyika. Cakunyama, Ndili lumbide kapati ku mubili tuyumu. Pele bubambe bwangu bwa nsinga zyakuyeeyela, nkaambo kakuti ulasobanya mpoonya akati ka cakunyama a cigambyociinda, nkabela cila kuzapaula. Elyo Nse kasola kukkala a kupandulula ceeco ku mbunga yangu, nkaambo tiiba kamvwisywa, nkaambo Nse mvwisyi, lwangu. Pele akwalo ku madokotela, baka ndilanga a kubikka kufundilila oko kwa nsinga; kati taakwe noba kabona cintu cili coonse mbuli ncico, mwabona, obo mbo ciya kuzwa ku busena bomwe, kuzuuya nzila yoonse kuya kuli bumbi. Ta ndimvwisyi kubbutukizya kwabo kwasayansi alimwi, na eco neo bakacita, nzila zyabo zyakucita zintu. Pele Ndi lizi kuti kwakali cintucimwi cakacitika kuli ndime buzuba bumwi, cindi Kristo naka ndijata, Nda kacincwa.

²² Elyo Ndi yanda buyo kwaamba ceeci, inga candi yumya. Ci boneka mbuli kuti inga caba cintu cigambya loko, ku kanana, kuseeni kuno. Pele buyo, kakutana kunjila Mulumbe wangu, kubaanga nku litontozya lwangu, Ndi yanda kwaamba ceeco. Cindi Nda pa kuba kokuno, Nse zyi kuti bamaama bakali kuya kuciswa.

²³ Elyo akwalo Nda pa kuswaangana kwa sunumasiku. Leza nawayanda, tuyo cita. Ndi nooli okuno sunumasiku, nkekanana, ikuti na eco cili kabotu ku mweembeli. [Mukwesu Neville waamba, “Iiyi, munene!”—Mul.] Elyo Ndi yanda kukanana, *I Mugwasyi Wasika*, sunumasiku. Elyo mpawo oko nkuswaangana kwa sunumasiku. Elyo tu jisi kuswaangana kwa mulalilo okuno sunumasiku. Elyo bantu boonse bali tambidwe cabulongwe kuboola a—a kulya mulalilo oyu andiswe sunumasiku, a wa Mulumbe.

²⁴ Bwa kali ciindi camamanino cindi Ne kali kutala mu Alaska, na kutala munsi lya Alaska, mu British Columbia, ku...ku miswaangano, kuti Mwami wkatupa ciindi cabulemu. Alimwi Nda—Nda kayanda lyoonse kwiinka kumasena atali mu tauni.

²⁵ Sa mula konzya kundimvwa kabotu kusule? Sa... Ikuti na mula konzya, amutambike maanza anu, kusule loko okuya.

²⁶ Nda kayanda lyoonse mu masena. Mbuli muntu uli oonse mbwazi mukwasyi wesu, ulizi kuti kuli. Baama, kabafwa okuya lino, banyina bakali muna India. Elyo kusanduka kwangu tii kwa kakucinca, alimwi Ndi...luyandisyo lwangu lwaanze; alimwi Ndili kkomene, nkaambo cili kubusena bumwi Nda bona

Leza. Ta ndiinki maningi kuunka ku kumvwima banyama, ci—ci leelede kuba olkke a Leza. Elyo Ndi vwima endikke.

²⁷ Elyo kuciindi ni Nda kali kutala kuya, Nda kaswaana beenzyi babotu banguzu. Abo balombwana, mu Canada a masena, kamutana konzya kunjila mu nkanda, basikulailila ba zinyama kukupa mweenzyi. Alimwi oyo mweenzi weelede kuba antomwe anduwe.

²⁸ Elyo Nda kaswaana mukwesu Munakristo mubotu, muna pentekoste, oyo wakali mweenzyi wampuwo mu Canada. Mukaintu wakwe wakali wabulemu, mwanakazi waka futulwa. Elyo utandila myaka ili makumi one yakukomena, elyo wa kajisi bana bosanwe baniini, balombe baniini, kuzwa ku kkumi alusele kuselemukila kutandila myaka yobilo yakukomena. Alimwi waka pede cibeela cipati ca mamaile ali faivi handersi aa Alcan Road, ku mwaakwe wa kusololela.

²⁹ Kuli bama India bamwi kusule omuya, bata kayanda kuzwa, alimwi bakali basikamikami, a kubikka citondezyo, “Ikuti na waboola omuno, kuyooba bulowa bwakatika.” Pele, nekubaboobo, twa keenda ku cilangalanga, a kujoka, nkaambo Nda kali kuyanda kwaambaula kuli baabo bama India. Nekubaboobo, nyika yakali yabo kaitanaba yesu, nywebo mulizi. Elyo kajisi ciindi cibotu ambabo, Butololo bwainda, ku baambila makani aa Mwami Jesu.

³⁰ Elyo mudaala umwi, wisi wakaindi wa mukowa, wakali kutandila mwaanda. Wa kajisi yakwe... Nda kali kukonzya kubona kaambo nca takali kuyanda kuunka. Ba kazikka bafwide babo mu citanda, a kwaanzika citanda mu cisamu. Ba kajisi bana bobilo baniini baka zikkwa okuya. Mubwini, ta kali kuyanda kuzwa. Nda konzya kubona kaambo nca takali kuyanda kuzwa. Elyo basicisi, i—i mfulumende ya Canada, Bulelo bwa Canada bwakati, “Ikuti na bali jisi sikamikami, inga babatola buyo kuzwa awo a kubabamba kuunka.” Baa, mula basulaika kucita ceeco; bavwanda babo kabalengelela okuya mu masamu.

³¹ Elyo aboobo, nekubaboobo, milonga yaka seluka a kutu kosola elyo tii twa kakonzya kupilukila mu cisi oko nko twakali kuyovwima masekese usalaluka. Oyu Ba. Southwick, Southwick mbo cibede, wakali mweenzyi. Elyo wa... Elyo Nda kali a mukutausi muniini, Eddie Byskal. Elyo aboobo mulombe wakwe... Ba. Southwick baka jisi i—i mukwesu mukibusyi wa, kutandila, aakati ka myaka iili makumi obile ayosanwe a makumi otatwe yakukomena, wakaumwa kasuntu cabubyaabi.

³² Ba. Southwick bakazwaa kuba Banakristo, kutandila mwaka wainda. Simbizi weembela ng’ombe kumbele, nkabela bala baanga balanyema, nywebo mulizi, mu buponi bwabo. Elyo, pele wa kaba buyo Munakristo, alimwi wa kali kusyoma. Elyo wa kati, “Nda kabala bbuku lyako, Mukwesu Branham.” Elyo

wa kazumanana kupambukana, ambali, kujatikizya munyina kajisi kasuntu. Wa kati, "Oh, ikuti na Nda konzya buyo kuleta mukwesu wangu kuli nduwe!" Ee, nywebo mulizi obo mbo cimubamba kulimvwa, tamu gwasyi, tamu konzyi kucita cintu, alimwi mula libuza buyo nzila mbo cikonzya kucitika coonse.

³³ Mpawo mu Canada, kanji bantu abo... Nywebo nobaalumi nomuunka mu nyendo, mulizi, mu kweembela mbizi. Elyo Nda botelwa mbizi a banyama. Kanji balaanga nkata ku mucila, aku balekela kweenda mu katambo, katambo. Pele okuya to konzyi kucicita, nkaambo shave; inga wa sweekelwa mbizi yomwe, inga wa sweekelwa katambo koonse. Aboobo tweedele buyo kubalekela kuunka, a kuba cesya mu kazila.

³⁴ Alimwi Nda kali kulaale mukai, kandi tantide mbizi niini, kusola kusyupana azya kasweeka kuzileta mukati. Elyo Muuya Uusalala, mu luzyalo Lwakwe, wakaseluka. Nda kabbingila mbizi yangu, akuya butanta lutambo, kutala oko Ba. Southwick nko bakali kusololela, kuya kumbele, kwiinda mu citeo. Elyo Nda kati, "Bud?"

Wa kati, "Iiyi, Mukwesu Branham."

Nda kati, "Sa uyo bweza ijwi lyangu?"

Wa kati, "A cintu cili coonse nco wamba."

³⁵ Elyo Nda kati, "Ndi jisi MBUBOOBU MBWAAMBA I MWAMI wa ndinywe." Nda kati, "Koya ukalete munyoko kuzwa ku Fort Musalali Johane," buli mamaile ali myaanda ili ciloba na lusele kutantamuka, "amu mulete atala lya mugwagwamupati awa." Alimwi wakapona mu kaanda kabgalankena a citofu ciniini, waka jisi bana bakwe omuya. Elyo Nda kati, "I ciindi citaanzi wa njila mu kasuntu, kakwela shaati lyakwe kuzwa kusule lyakwe. Njo mupa cintucimwi cakucita. Amu cisowela mu mulilo, a kwaamba, 'Eci Nda cita mu Zina lya Jesu Kristo.'"

Wa kati, "Ndiyo cicita."

³⁶ Aboobo wa kaunka, katuma a kubweza munyina, kamuleta kutala okuya. Elyo cifumo eco wa kacita kuunka mu mukondo, a mutu umwi sikubambilila. Alimwi munyina kanji ulaba akuganyuka oko kobile na kotatwe, mu buzuba, alimwi wakali kujisi kuzwa kacili musankwa muniini. Alimwi mukaintu wakayoowa calufu, nkambo kanguwe, cindi na kajisi kuganyuka oko, nkaambo wakaba siluumi; mulombwana mukubusyi, wanguzu loko.

³⁷ Elyo wa kanjila mu kugabba, Bud nakamana kuzwa. Mibusena bwa kusotoka kwakwe kwiinda mu mpulungwido, mbuli mbwa kacita kanji, kugusya bana bakwe kuzwa mu nzila, waa kamutansika kalengeleyza maulu, aku musamununa shaati lyakwe; mwanakazi, muniini wakazwide Muuya Uusalala, waka samununa shaati lyakwe a kuli waala mu mulilo, a kuti, "Eci

Nda cita mu Zina lya Jesu Kristo.” Ta kajisi bumwi kuzwida eelyo. Obo bwakali butololo bwakainda.

³⁸ Ziindi zinji, Ndi lizi kuti cali ciyumu aniini. Bantu bata kamvwisy, kwaamba, “Mukwesu Branham, nkaambonzi nconga watola lweendo lwa kuvwima?” Mwabona, taba mwisyi buyo. Taku yandikani kusola ku cipandulula, mwabona. Ula jata bantu alya bata konzyi kujatwa.

³⁹ Kutandila myeezi yobile yainda, na nokuceya obo, Nda kasinsimunwa cifumo cimwi. Nda syoma, Nseli masimpe, Nda ka caamba ku bunji bwa mbungano. Kuli banji awa baka ndimvwa kwaamba ceecei kacitana citika. Elyo mu cilengaano Nda kabona, kuti Nda kabona munyama mupati, kaboneka mbuli munyama deo. Elyo waka jisi meja, mapati malamfu. Elyo cakali... Nda kacita kuzunguluka lubazu, shave, mbuli *boobu*, kusika kuli ncico. Elyo wakali munyama wampuwo loko. Wa kali munyama mupati wakuzwidilila. Elyo kwakali muntu oyo ngo Nda kabona oyo wakasamide shaati lya mampana lyagirini. Elyo mpawo, mu lweendo, Ne kamana kutola munyama, Nda kamvwa i—i jwi lyaamba kuti, “Ayo meja nga mainci ali makumi one aabili kuya mujulu.” Ayo ala tandila kulampa *boobu*. Elyo wakali munyama mupati loko. Elyo mu lweendo kujokela, Nda kabona masekese usalaluka mupati loko.

⁴⁰ Lino, oyo ngu masekese uzizilwe. Kuli bone mu mukwasyi wa masekese usalaluka. Umwi ngu silva-tipu, uli ngu uzizilwe. Ucilia wa kaitwa, zina lya cisi, *kadish* (?), lyaamba uusiya, ujisi kutwi kwa laundi; i wabili. Watatu, munyama walyonse, ula akti ka kusiaya akusalaluka, masekese mupati maningi. Alimwi ucilia ngu Kodiak, oyo ujanwa buyo ku Kodiak Island a—a kumbo kwa Alaska; walo mupati, mupati maningi, mupati maningi wa boonse bamasekese, pele ngu masekese usalaluka. Pele silva-tipu ulasiya, alimwi uutuba ku...kutubuluka kuli kumamanino aa mpela lya boyo. Uli zizilwe, ujisi busaasa maningi, masekese mukali.

⁴¹ Nda kadubula masekese a kudubulwa kwa moyo, kamujaya. Pele Nda kali kubuzya raifo niini Nje kajisi, kutandila kwiibweza. Elyo Nda kaambilia bakwesu. Mbangaye awa baka ndimvwa kwaamba makani aceeco kacitana citika? Amunyamune maanza anu. Ee, mubwini, bunji bwabo, mwabona.

⁴² Elyo aboobo mpawo Ba. Arganbright baka ndiita alimwi bakali kuyanda kuti nduunke ku Alaska. Ee, mubusena bwa kuunka ku Alaska, Nda kalimvwa kusololelwu kujokela okuno ku lweendo olu, kutala okuno a Bud, nkaambo Nda kamusyomezya.

⁴³ Cindi Ne kasika kutala okuya, Nda kaambilia mukaintu wakwe a bantu boonse baliko okuya, ezi zintu Nzya kaamba. Nda kati, “Pele, lino, nguni umwi wanu nyoonse ujisi shaati

lya mampana lyagrini?" Taakwe muntu waka jisi lyomwe. "Ee," Nda kati, "mpawo kweelede kuba lweendo lumbi Ndwe yobweza. Pele, kubusena bumwi, Mwami uyo cipa kuli ndime, mbubonya buyo." Aboobo Nda kati, "Nda kayeeya kuti inga lwaba lweendo olu."

⁴⁴ Ee, twa kazumanana, mu lweendo. Elyo buzuba butaanzi, cindi ni twa kasumpulwa, aatala lya zisaka zya masamu aamapulanga mapati, oko kutakwe masamu, kutala mu zyaanda zyeenda, a mbizi zyesu. Elyo buzuba bwabili, twa kavwima bamwi, nkabela twa kajana mbelele zinji kazivungene boyo, a bumwi bumbi, pele tii caka luleme buyo.

⁴⁵ Elyo waambaula zya luswaanano, umwi aumwi wesu wa pentekoste alimwi waka jisi Muuya Uusalala! Twa kajisi ciindi cimwi kutala okuya, a kubona mibala eyo kaicinca, a malundu ayo, a nzila kutala omuya Leza alikke ulapona! Elyo ciindi cipati boobu! Inga tee twaunka ku bulo kusikila wani okuloko cifumo, kulumbaizya buyo Leza a kuba aciindi cabulemu!

⁴⁶ Elyo ku buzuba bwabili, twa kazwa. Elyo kutandila mamaile ali cisambomwe kusule, okuya kunze lya makataazyo, twa kazwetuzya bagutu bambelele batapi. Elyo kati, "Ee, inga twa jokela, alimwi cifumo citobela ku bucedo inga twaba mu lweendo lwesu."

⁴⁷ Aboobo twa katalika kweenda cifumo cakatobela, kakutanaba bucedo; a kusika, aa naini okuloko, twa kali atala awo mpo twa kabona mu zyaanda zyeenda.

⁴⁸ Pele mu lweendo kutanta mugwagwa, Nda kabona munyama karibou mutaanzi wamusokwe. Nse kalina bwene omwe. Nda kabona zyaang'anda, muli ya Lapland, abumwi bambi, pele kutali mu munyama karibou; oyo utali... Ii *karibou* ndi zina lya sicisi, walo ngu "reidiya." Elyo aboobo kanji bajisi meja aongomene, mbuli *boobu*, umwi kazuza nkoonya kumbele lya mpemo zyabo, alimwi mpawo koongomana kwasika kumbele; elyo mpawo meja kajisi awo, a koongomana kumbi kutandi kukwazama boobu.

Bud waka ndaambila kuti, "Ndiza..."

⁴⁹ Nda kati, "Peepe, peepe. Wa..." Nda kati, "Ta kali munyama karibou, nkaambo ta kajisi musyobo oyo wa meja." Pele cifumo eco, nkeya butanta, baa, Nda kabona ng'ombe a moombé. Elyo twa kaunka ku lubazu lumwi, nkabela Nda kaluzwetuzya, mucende muniini, kazuza.

⁵⁰ Elyo Mukwesu Eddie, kayanda kusanina bama India oko nkwalí missionari. Kuli mwaalumi mubotu, wakazwa mu ng'anda mbotu, a mukaintu kuzwa buyo mu ng'anda yaku zimba. Elyo maboko abo aligwa kutala mukati *muno*, a zilonda, a ntabwa, oko nko bakali kukkala abama India a zintu, okuya kusola kuleta Kristo kuli bama India. Tola luzyalo kucita ceeco! Kuponena aa coonde a molasesi, a kulala mu twaanda oto twa

zisamu muli nsinsini, nsabwa a zintuzyonse, kubalya buyo mbuli boobo, nekubaboobo, kuleta Makanimabotu aa Jesu Kristo!

Elyo aboobo Mukwesu Eddie waka sobelela kuzunguluka cilundu.

⁵¹ Elyo Nda kakkala alya kwa kaindi kaniini, kwa maoora obilo, cindi Ne kabona mulundu mupati wakazwide caanda aatala. Nda kayeeya, “Mwami Leza, ndilekele kupona okuno kuciindi ca Mileniamu.” Kubona mamembala abukombi bumwi atala lya cilundu, a diya usubila, alimwi zyonse kazisangana a malundu ayo ajisi caanda ansonje, kwaatondezya mu maziba mapati. Kuli cintucimwi kujatikizya ncico, obo mbo konzya kukkanala alya a kulila, a kulila a kulila, nkaambo Leza alikke ngu konzya kupenta ceeco. Taakwe cintu cikonzya kucicita, mwabona.

⁵² Elyo Nda kali kkede alya, Nda kacitika kuyeeya kuti, “Ee, Nda libuzya eco cakaba ca Mukwesu Eddie?”

⁵³ Nda kaunka ku Bud, alimwi wa kali kkede okuya kakkomene muli ncico, awalo, kutandila maora obilo. Elyo twa kabuka, nkabela Nda kabona kkamera ya zipekupeku zya Eddie kai bikkedwe mpoonya atala alya. Atala lya malundu ayo, kuli biyo ba caribbu, mossi, buyo mossi, ila atala masamu mpa takozyi kukomena.

⁵⁴ Elyo Nda kamubona kunselelo lya cilundu. Wa kabikka tunwe twakwe mbuli *obu*, wa kali kusamuka munyama oyu karibou muniini. Ee, wa-wa kadubula munyama karibou. Elyo twa kauzima buyo, a kujoka kutala lya cilundu. Alimwi Nda kaselemuka kuyo teka maanzi.

⁵⁵ Elyo Nda kali kulanga buyo koonse a magilazi. Munzila imwi, kutandila mamaile obile kuzwa kuli ndime, mpaawo kwa kalede munyama wangu. Nda ka mubona. Nda kati, “Ngo nguwe. Ngo nguwe.” Nda kati, “Langa awa, bona kaale aka, twe elede kuunka koonse ku lubazu.” Elyo Nda kati, “I cintu buyo ca mampana, agrini...” Elyo Nda kalanga, elyo Eddie waka samide shaati lya mampana lyagrini.

Nda kati, “Eddie, Ndali kuyeeya nduwe . . .”

⁵⁶ Wa kati, “Mukwesu Branham, Nse kacita. Mukaintu wangu kweelede kuti wakabikka ceeco omuya.” Wa kati, “Ndi jisi shaati linjoloma cifumo cino, pele Nse zyi obo. Mukaintu wangu kweelede kuti wakabikka ceeco omuya.” Leza takakilwi cintu comwe. Uli londokede buyo. Mpaawo wa kajisi shaati lya mampana lyagrini.

⁵⁷ I mweenzyi wa kaamba, “Mukwesu Branham, ta Ndi zyi mbosola kuba koonse kuli eco.”

⁵⁸ Nda kati, “Ta ndikwe makani na uli mamaile ali makumi osanwe kutantamuka, ngu wangu!” Nda kati, “Walo uzulilwa

kuli ndime.” Alimwi twa katalika kweenda kuzunguluka mwaala mutete, buyo, oh, *eelyo jelele*, kuzunguluka mabazu.

⁵⁹ Elyo twa kasika okuya, nkabela Nda kajana munyama karibou mupati. Alimwi—alimwi mubusena bwakuba a caanza, waka jisi meja aampanda; nsena bwene umwi mbuli oyo. Mwabona oko kugambya, Leza mbwa cita zintu na?

⁶⁰ Aboobo twa kaambilila balombe kuunka kunselelo lyu mugwagwa, a kubweza mbizi a kubweza nyama, a kutu swaana kunselelo kundi cindi twa selemuka. Nkaambo, Mukwesu Bud wakalanga koonse, kat, “Cilengaano ca Mukwesu Branham, ikuti na cakali cakasimpe kujatikizya mukwesu wangu kuponesegwa, kajisi kasuntu, uyo bweza munyama oyo kakutakwe kulanganya awo mpo cibede.” Aboobo wa kat, “Ko tuswaana buyo, tuyo kutambula, kuya kunselelo okuya.”

⁶¹ Elyo aboobo cindi ni twa kakupulula lukanda; a lukanda a meja, a zyoonse, inga watandila kuba mapaudi ali handredi atweeni; pele buyo, kutali cikuta ca mubili, buyo cikuta caatala. Aboobo mpawo wa kat, “Lino, Mukwesu Branham,” kat, “Ndi yanda ku kubuzya cintucimwi.” Kat, “Nse konzyi ku mufunda awa,” walo a Ndime bobilo, umwi ku lubazu alumwi. Wa kat, “Wa amba kuti meja aya ajisi ‘mainci ali makumi one aabili’?”

Nda kat, “Iiyi, munene.”

Wa kat, “A boneka mbuli makumi ali fuka, kuli ndime.”

Nda kat, “Ajisi makumi one abone.”

Elyo wa kat, “Ndi jisi teepu ya kweelekela mu bbeeke lyangu lyu cuuno.”

Nda kat, “Ncibotu, uyo bona kuti cili mbubonya.”

⁶² Wa kat, “Mpawo, kweendelana kuli ceeco nco kandaambila, kubusenabumwi akati awa a kooko nko tu swaanganya balombe, kasamide shaati eelyo lyu girini, uyo jana masekese usalaluka wa silva-tipu utubuluka?” Kat, “Nsena bwene omwe, alimwi Nda kapona mu malundu aya buumi bwangu boonse.”

Nda kat, “Pele ngu MBUBOOBU MBWAAMBA I MWAMI.”

Kati, “Yebo ulizi awo mpabede?”

⁶³ Nda kat, “Peepe. Pele uli kubusena bumwi akati awa a balo balombe.” Inga twa bona mpoonya ansi awo mpo bakabede, kutandila mamaile otatwe, kunselelo ku mugwagwa wa masamu. Nda kat, “Tuyo mujata.” Lino, eco ncintucimwi!

⁶⁴ Wa kat, “Mpawo, tu nooli kunselelo kuya mu oora a cisela. Elyo waamba kundaambila kuti uyo jana masekese usalaluka mupati, silva-tipu, amwi akati awa a balo balombe?”

Nda kat, “Eco cileendelana a Ijwi Lyakwe.”

Wa kat, “Mpali awo.”

⁶⁵ Aboobo tu jisi meja akapaka, atala lya mitwe yesu, akukwela kuyaansi lya cilundu twa kaunka, mane twaka jana zyaanda zyeenda. Alimwi cindi ni twakasi ku zyaanda zyeenda; kwakali kupya maningi, twa kacita kunjila mu zyaanda zyeenda aniini, kuti tu tontwedwe. Twa kainda atala lya caanda ceenda, kaselemuka kusikila twa kanjila oko maanzi nkawakali kuzwa kunsi lya caanda ceenda, a kuselemuka mu i...katalika kunjila mu masamu aamapulanga. Twa kakkala buyo ansi, ku kupumuna.

⁶⁶ Nda kanyona, a kulanga. Nda kati, "Langa, Bud! Kutandila mbuli ng'ombe, kutandila mamaile obilo kutantamuka."

⁶⁷ Wa kasowela aansi magilazi, kalanga, kati, "Mukwesu Branham, aboobo ndi gwasye, ngu silva-tipu!" Kati, "Amu mulange kapakamene mu zuba eelyo!"

⁶⁸ Nda kati, "Ngo nguwe." Nda kati "Ee atwe ende tuka mulete." Aboobo, eco nco twa kacita, kainka a kuyo mujata. Kweendelana, mu cilengaano, ciindi cakali manide kale kuciluka mpawo, twa kacita kulindila mane buzuba bwakatobela.

⁶⁹ Mpawo ni twa kamana kubweza masekese usalaluka, kaselemuka, mpawo wa kati, "Elyo waamba kuti meja..." Kati, "Ikuti na meja ayo ajisi mainchi ali makumi one a obile, Mukwesu Branham, Ndiyo wizuka."

⁷⁰ Nda kati, "To elede kuwizuka. Pele, alo mainci ali makumi one aabili, obo mbwa bede." Aboobo twa kaselemukila ku i...

⁷¹ Elyo Nda kayeeya, mu cilengaano...Nywebo bakwesu nomwa tambika maanza anu, a bacizi, kaindi kainda, abo baka ndimvwa kwaamba ceece kacitana citika. Nda kati kweelede kuti wakali Billy Paul. Wa kali mulombe muniini. Nyoonse mula ndiyeyya kwaamba boobo, 'janza limwi liniini'? Pele mulombe wakwe ula myaka ili kkumi alusele yakukomena, alimwi musela buyo wa Billy Paul. Mwabona?

⁷² Elyo cindi ni Nda kaselemukila okuya, mpaawo kwakaimvwi Eddie a shaati lyakwe, lya mampana lyagrini. Nda kabona janza eelyo liniini kali zunguluka meja ayo, elyo cindi na kaunka okuya a kubweza teepu ya kweeleka, kacibikka ansi awa, a kujatilila, oyo mulombe muniini wakabikka maanza akwe. Nda kati, "Langa, Eddie, alo maanza maniini aa lwija." Elyo cindi na kakwela teepu ya kweeleka mbuli boobu, wa kandilanga a kunyona kutuba loko mu mulomo, wa kati, "Mukwesu Branham, kolanga awa! Koongokela buyo, mainci ali makumi one aabili, mbubonya!"

⁷³ Inga wati, "Mukwesu Branham, nkaambonzi nco wamba ceece ku cikolo ca Munondo?"

⁷⁴ Nda amba ceece ku kaambo aka. Kaindi mu Cizuminano Cakale, basongo a basinsimi abo bakafwa, ba kakomba Leza wa Julu, Oyo wakatondezya zilengaano. Ba kali kuyanda Leza,

kwiinda mu luzyalo Lwakwe, oyo wakali kubayanda. Ba kali kusukamina Muunzi kubusena bumwi. Cintucimwi muli mbabo! Ba kasiya maanda abo nkabela bakaba bamuzwamasi, nkaambo bakali kuyandaula Munzi kubusenabumwi. Ba kaamba zintu nzo tubona kazicitika sunu.

⁷⁵ Oyo Leza nguonya Oyo waka bayanda, alimwi ku luzyalo Lwakwe, a kucita zintu ezyo kuli mbabo, ngu Leza nguwenya oyo ngo tu belekela omuno mu cikombelo eci cifumo cino, kucita zintu nzyoonya. Elyo kuli, mu camba cesu, kusukamina Munzi oyo, kubusenabumwi oko nko bakaunka. Elyo ku Ijwi Lyakwe a ku zitondezyo zya Nguzu Zyakwe, a Muuya nguonya a zisinsime nzyoonya, cintu nciconya eco Nca kacita kaindi okuya kuli mbabo, Uli mukutu citila sunu. Elyo mula cibona a cizibyo citakakilwi, kuti ngu Leza a Bwini bwa Leza.

⁷⁶ Aboobo, kufumbwa oko Munzi oyo mupati nkoubede, alimwi kufumbwa nko babungene, Ndi langila kubona oyo banyina bali mukufwa, a nyoonse nywebo a mbabo, omuya mu Munzi oyo a baabo: Abrahamu, Izaka, Jakobo, Daniele, Isaya, Jeremiyा. Nkaambo, luzyalo ndulonya lwa Leza lwaka bayanda, a kubapa zilengaano, a kutondezya zintu ziciza, ngu Leza nguwenya sunu kacita cintu nciconya kuli ndiswe, Bwini butakakilwi! Bwalo, Mbwini, mweenzuma.

⁷⁷ Taata wesu Wakujulu, tuli lumbide. Baa Wa kali kuyanda kuti ndibe a zintu ezyo, Nda yeeyela, Mwami, Wa kali kundi yumya buyo, mukuziba kuti kwakali kulebuka kwa kuboola. Ta ndizi; Yebo ulizi. Elyo Ndi lizi Nse cili mulombe. Nseli mulombe muniini wakali kulengelela ku apuloni ya baama. Elyo Ndili mwaalumi wamusela waakatikati lino. Oh, obo Mbwe Ku yanda, Mwami! Obo Mbwe Ku syoma! Kotupa luzyalo lino. Kotu gwasya kuyiisyia Ijwi Lyako, kutegwa bamwi babone a kwiya, a kuziba Nduwe. Twa lomba mu Zina lya Jesu. Ameni.

⁷⁸ Ku cibalo, cifumo cino. Ndi yeeya kuti nku koonse Nkwe kajisi, buyo...Ee, kuswaangana sunumasiku, mulalilo, kusanzyanya matende, azimwi zimbi, kwa mana. Nda kutamba kukkanala a kuba andiswe. Pele, ku cibalo cesu cifumo cino, atu jule mu Bbaibbele, ku Musalali Matayo, cipati 3, kubala cibeeala ca Magwalo. Ndi yanda kutalikila kampango ka 10 ika cipati 3 ca Musalali Matayo.

⁷⁹ Elyo Ndi lizi kuli banji baimvwi, nkabela tula bijilwa kuli ceeco; pele ikuti na bamwi banu moyo cinca a mbabo, mu ziindi zimwi. Ndi...Mundi jatile ku kuba, kutola ciindi cangu, pele Ndi...Mula mvwisya. Lino kubala kwa Lugwalo.

...lino akwalo keembe kali bikkidwe ku tuyanda
wa samu: nkikaako samu lyoonse oyo lita zyali micelo
miboto lila gonkwa, a kusowelwa mu mulilo.

Nda mu bapatizya ncobeni a maanzi ku lweempo:
pele oyo uboola musule lyangu ngu singuzu wiinda

Ndime, oyo ujisi mabbusu Nge teeleda kuyumuna: uyo mu bapatizya a Muuya Uusalala, a kubelesya mulilo:

Oyo ujisi cipupuluzyo mu janza lyakwe... uyo salazya cibuye cakwe kumaninina, a kubungika whiiti wakwe mu butala; pele uyo umpa buungu a mulilo uutazimiki.

Mpawo Jesu wakasika waku Galilaya ku Jordano... . . . ku bapatizigwa kuli nguwe.

Pele Johane waka mukasya, kwaamba, Ndi yandikana kubbizigwa kuli nduwe, elyo wa boola kuli ndime?

Elyo Jesu kaingula wakati kuli nguwe, Cileke cibe booboo lino: nkambo mbombubo eci ceelela kuzulizya bululami boonse. Elyo wa kamuzuminina.

⁸⁰ Ndi yanda kubweza cibalo kuzwa ku ijwi eelyo omuya mu kampango ka 15.

. . . Cileke cibe booboo lino: nkambo cili mbubonya calo cileelela kuzulizya bululami boonse.

⁸¹ Ziindi zinji Nda kalibuzya kaambo kakuti, kuti Jesu waku Nazareta... . Elyo ziindi zinji caka buzigwa kuli ndime. Nkaambonzi Mwaalumi ncanga wayanda Jesu ku bapatizigwa? Nkaambonzi oyu Muntu ncanga wa bapatizigwa mbuli mucito wa kweempwa a kulyaambilila, cindi Na kali Mwana wa Leza, uusalala uutakwe kaimba? Nkaambonzi oyu Muntu ncaeledge kubbizigwa mbuli muntu uboola? Lubbizyo kutobela kulyaambilila. Ta kajisi kulyaambilila kwa kucita, nkaambo Wa kali Leza. Elyo, Walo, nkaambonzi Nca keeledge kubbizigwa mbuli Mbwa kajisi, “ku kweempwa,” nkaambo Ta kali kuyandikana kweempwa, nkambo Wa kali Leza utakakilwi? “Wa kali mu inyika, nkabela inyika yakalengwa aa Nguwe, nkabela inyika tiiyaka Mu ziba.” Nkaambonzi Nca keeledge kubbizigwa?

⁸² Alimwi sa mwaka bona bwaambe kakutaninga kuba eco? Kati:

. . . mbubonya cileelela kuzulizya bululami boonse.

⁸³ Mu majwi amwi, “Ce elede kuzulila! Ijwi lyoonse eelyo Leza ndya kaamba, lye elede kuzulizigwa!” Leza takonzyi kwaamba cintu cili coonse kakutakwe kucizilizya. Cindi Na ka Ca amba, walo mulimo wakamanizigwa. Ca kamana kale cindi Leza a Ci kanana. Leza taambi kusikila Wa libambilila kuli ncico kuba; alimwi, cindi Na kanana, cili buyo kabotu mbuli mbo cakacitika kale.

⁸⁴ Lino, ikuti na eco inga tii catupa mbaakani ya kubikka lusyomo lwesu cifumo cino! Cindi Leza akanana Ijwi, lyaka manizigwa kale. Elyo ino kujatikizya zisyomezyo Zyakwe ezyo Nzya katupa? Zintuzyonse Nzya kaamba, mulimo wakamanizigwa kale. Aboobo, nkikaako, cindi twa tambula Ijwi Lyakwe mu moyo wesu, ca—ca citwa kale, ca mana!

⁸⁵ Elyo nkaambonzi Nca yanda mpawo (ta wiingula mubuzyo) ku bapatzigwa? Banji ba kati, “Baa, Wa kabbizigwa nkaambo Wa kali mukozyanyo wesu.” Obo mbwini, ku cisi cimwi, busena bumwi. Obo mbwini, pele tabuli Bwini boonse.

⁸⁶ I Bwini bwa ncico bwakali, kuti Wa kali cintucini, Wa kali Mupaizi Mupati. Elyo mupaizi mupati katana konzya kunanikwa, wa keelede kusanzigwa.

⁸⁷ Ndi yanda kubala Lugwalo lumwi kuli ndinywe, kaindi buyo kaniini, omuya mu Bbuku lya Kulonga. Elyo Ndi yeeya kuti nkampango ka 29 Nke lembede; cipati 29, mubwini. Elyo Ndi yanda kutalikila awa aa kampango ka 4 ika cipati 29.

Elyo Aaroni a bana bakwe moyo leta ku mulyango wa cikombelo ca mbunga, nkabela uyo basanza a maanzi.

... uyo bweza—uyo bweza zikobela, a kusama Aaroni, a i bbaki, a cikobela... a i efodi, alimwi efodi, a ca kaango, a kumu samika ku a cikobela cabotu ca efodi:

Alimwi uyo musamika cisani caku mutwe wakwe, alimwi atala lya i cisalala... atala i... musyini atala lya cisani.

Alimwi uka bweze mafuta akunanika, a kwaatila aa mutwe, i kumu nanika.

⁸⁸ Mwabona, Aaroni, mupaizi mupati, katana konzya kusola kunanikwa, wa keelede kusanzigwa a maanzi. Aboobo, cindi Jesu, Ka tana konzya kunanikwa, Mupaizi wesu Mupati, Wa kasanzigwa a maanzi.

⁸⁹ Elyo mpawo ayo Mafuta akunanika ali Nguwe, ku Mu nanika. Mbuli Aaroni wakali nanikidwe a mafuta; Wa kali nanikidwe a Muuya Uusalala. “Nkambo Johane wakapa bulunguluzi, kubona Muuya wa Leza kauseluka mbuli nziba, a kuunka ali Nguwe; a Jwi kaliti, ‘Oyu ngo Mwana Wangu uuyandwa muli Nguwe Mwe nkondelwa kukkalamo.’” Aboobo Bbaibbele lya kaamba kuti, “Jesu wakali nanikidwe a Muuya Uusalala, wakeenda kujatikizya kucita zintu zibotu.” Mwabona, Wa kali nanikidwe.

⁹⁰ Elyo Ka taninga kunanikwa, Wa kacita kuzulizya bululami boonse. Mwabona, Wa keelede kusanzigwa a maanzi Bunanike kabutana boola ali Nguwe.

⁹¹ Elyo ncikozyanyo cibotu loko kuli ndiswe sunu, mbuli bapaizi kuli Leza. Twe elede kubbizigwa lutaanzi, kulyaambilila zibi zyesu a kubbizigwa mu Zina lya Jesu Kristo, kusanza zibi zyesu; elyo mpawo moyo tambula Bunanike, cipego ca Muuya Uusalala. Mwabona, kusanzigwa lutaanzi, elyo mpawo kananikwa ku mulimo. Taakwe mukutausi weelede kunjila cikambaukilo kakutakwe kusaanguna kubbizigwa mu Zina lya Jesu Kristo. Nkaambo, kuli biyo... Kujatilwa kwa zibi kuli biyo mu Zina lya Jesu Kristo, peepe, kutali zina limbi

kunsi e Julu lipedwe akati ka bantu. "Kweempwa a kujatilwa kwa zibi kweelede kuyiisigwa mu Zina Lyakwe, kutalikila ku Jerusalema." Mpe mpawo Muuya Uusalala mpowa kawa a kunanikwa, lutaanzi. Aboobo, mukutausi na kufumbwa musyomi weeblede kusaanguna kusanzigwa kuzwa ku zibi zyakwe, mu Zina lya Jesu Kristo; elyo mpawo kunanikwa a Muuya Uusalala, ku kuleta bumboni bwa Leza.

⁹² Elyo Kristo wakali bumboni bwa Leza, nkaambo Leza wakali muli Kristo, kayanzanya inyika kuli Lwakwe. Lino Wa kati:

... *Kolekela eci kuba booboo, Johane. Kuli kabotu.*

⁹³ Mu majwi amwi, "Johane, uli muntu singuzu, uli musinsimi, mupati singuzu. Elyo ciyubunuzyo cako ca Ndime Mbwini ncobeni. Uli zyi kuti Ndi Meni. Nywebo mulizi, nkaambo mulimo wako tii wakazwa ku muntu. Mulimo wako wakazwa kuli Leza. To kaciya ku muntu. To kayiisigwa eci mu seminari. Pele ku, kukomena kwa myaka ili fuka yakukomena, wa kanjila mu nkanda, nkaambo wakazyalwa koli mwana, uugambya musalesale. Elyo kuzwa kukuzyalwa kwako nkukonya, Leza wakatalika kubeleka anduwe. Elyo akwalo kakutanaba kuzyalwa kwako, musinsimi waka kubona. Elyo uli mumuni wa buzuba obuno. Elyo mu nkanda... Nywebo mulizi Obo Mbwe bede, nkaambo Leza, mu nkanda, waka mwaambila kuti kuyooba citondezyo ciyo Ndi tobela. Alimwi mwakapa kale bumboni Bwaco, alimwi muli cizyi. Alimwi tu lizybene umwi aumwi mbo tube. Tuli zibene aumwi. Elyo mpawo mbwini kuti mweelede kubbizigwa kuli Ndime. Pele atu lekele eco kuba booboo, nkambo, Johane, ikuti na tuli mimuni ya buzuba obuno, twe elede kuzulizya bululami boonse. Lyoonse Ijwi lya Leza lyeelede kuzulizigwa kuli ndiswe, nkambo buzuba obuno, nkambo cileelede kuli ndiswe; kuleelede, cileelede, cili mbuli ndiswe. Nkambo ikuti na tuli bakamboni beni ba Leza sunu, Johane, tuli mimuni ya bukkalo obu. Elyo ikuti na tuli mimuni ya bukkalo obu, kuli Lugwalo lunji loko olo lweelede kuzulizigwa kuciindi ca bukkalo obu. Elyo cili kuli ndiswe!" Aleluya! "Cili kuli ndiswe, kubona kuti bululami bwa Leza boonse buli mukuzulizigwa."

Elyo niinzi bululami Bwakwe? Ijwi Lyakwe!

⁹⁴ Mu kwaamba kumbi, "Johane, uli zyi kuti Ndi Meni. Ndili Mupaizi Mupati. Obo mbwini, Johane, alimwi Ndi yandikana kubbizigwa kuli nduwe. Pele tweelede kuzulizya bululami boonse. Elyo Ndi yandikana kubbizigwa kuli nduwe lino, kuzulizya Ijwi lya Leza, nkaambo Ijwi lyoonse lyeelede kuzulizigwa. Elyo tuli mimuni ya buzuba, alimwi cili kuli ndiswe kuzulizya koonse oku. Elyo Ndi lizi kuti bululami bwako a kuyandisya kwako nkuzulizya Ijwi. Ku boola kuli ndiswe. Tuli mimuni."

⁹⁵ I mumuni wa bukkalo boonse weelete kucita cintu nciconya. Tu lizi eco ceelede kuzulila. Nywebo nobasimuuya a kuziba Ijwi lya Leza, mula bona eco Leza nca kasyomezya. Lino Ijwi talikabooli buyo mubuubauba, pele Li boola mukubonwa, mweelede kukakatila munzila yanu ku Li cita. Pele, nekubaboobo, cileelede kuli ndiswe, cileelede kuli ndiswe kuzulizya bululami bwa Leza boonse. Twe elede kucicita.

⁹⁶ Elyo lino Jesu waka ziba, muli Johane, kuti Johane wakali musinsimi wakasimpe. I Ijwi lya kaambwa a Johane, alimwi Wa kalizi kuti wakali musinsimi ncobeni wa oora. Elyo Johane wakalizi kuti Jesu wakali Mesiya, wa oora. Elyo mpawo bobilo baka jisi kumvwisya caantangalala.

⁹⁷ Oh, ikuti na Mbungano ya Leza muumi yakonzya biyo kunjizya eyo mu mitwe yabo cifumo cino, a myoyo yabo; kuti Mbungano tai pambulwi ku lubaya lwa tubungwe, oko kwiindana mu tuyanza twabuzumini a mibala, azimwi zimbi; kuti tu konzye kuboola antoomwe mu Zina lya Mwami Jesu, kutaba a cintu cili coonse ca kutu tantamuna kuzwa ku Ijwi lya Leza muumi; a kweenda kugama kuselemuka oyo mundando wa Lugwalo, ku kuzulizya bululami bwa Leza boonse bwa sunu!

⁹⁸ Nkambo, kufumbwa muntu ulizi kuti tupona mu Mimuni yaku mangolezya. I musinsimi wakati, "Kuyooba Mumuni ku ciindi caku mangolezya." Elyo aboobo tu lizi kuti tupona mu oora eelyo, oora lya Mimuni yaku mangolezya. Aboobo, Mwami Leza, kotu gwasya kumvwisya ceeco.

⁹⁹ Atu jokele aniini buyo, a kubweza basyakacite bamwi abo bakazi busena bwabo mu buzuba bwabo, alimwi wakali libambilide kwiima kukazigwa na kufumbwa cintu cimbi, kuti Ijwi lya Leza lizulile.

¹⁰⁰ Atu bweze, kupa mukozyanyo, Nowa a buzuba bwakwe. Ca kali kweelela kuli Nowa, nakamana kuswaana Leza alimwi wakalizi bubambe bwa Leza bwa buzuba.

¹⁰¹ Lino, to konzyi kucita cintu cili coonse citakuti ulizi eco ncoli mukucita. We elede kuziba kuti nduyando lwa Leza. We elede kuziba kuti mbukanze Bwakwe a kuyanda Kwakwe, alimwi kwa yubununwa kuli nduwe, nkokuti kwiina cintu ciyo cilesya.

¹⁰² Lino, Nowa wakalizi, nkaambo ta kajisi mulimo wakwe kuzwa ku cikolo cimwi ca lwiiyo, pele wa kaambaula busyu ku busyu a Leza. Elyo wa kalizi kuti kwakali kuboola zambahulgulwe. Wa kalizi kuti mvula iyotila kuzwa ku milengalenga, mbuli milonga kaijuka, nekubakuti cakali kulwana makani aa sayaansi mu buzuba obo. I banasayaansi, kwiina kuzumbauzya, kakazya Nowa, a kuti, "Tula konzya kutondezya munzila yasayaansi kuli nduwe kuti taakwe maanzi kujulu okuya."

¹⁰³ Nkambo, bwakali bukkalo bupati kaindi, bupati maningi kwiinda mbo tubede sunu, bwa sayansi kwiinda mbo tubede

sunu. Nywebo mulizi, Jesu waka tondeka kuli ncico, “Mbuli mbo kwakabede mu mazuba akwa Nowa.” Obo mbo bakayaka zibumbwa zya mabwe a mapiramidi, a zintu nzotu takonzyi kuguma, kuyaka sunu. Elyo bakali banasayaansi bapati. Ba kajisi mibala a zintu, a musamu uulesya mubili kubola, mu buzuba obo, cakuti bakali kukonzya kupanga mutunta kutabola. Tii twa kakonzya kucicita sunu ikuti ni twa kacita. Ba kali sumpukide kulaale kwiinda mbo tubede. Elyo bakali kukonzya kutondezya kuti kwakanyina maanzi okuya.

¹⁰⁴ Pele, mbubonya buyo, cakali kweelela kuli Nowa, nakamana kuziba mabambe aa Leza, kuti wa kagagaila bwaato, mbubonya buyo, nkambo wa kalizi kuti bbokesi eelyo luzutu inga lyaba cintu luzutu eco cinga caimpauka. Takukwe makani, ikuti na cakatondezegwa munzila yasayaansi kwakanyina maanzi okuya; ikuti na Ijwi lya Leza lya kaambide kuti iyowa mvula, iyowa mvula.

¹⁰⁵ Elyo akube kuti Ndi ime awa kwaamba ceece, nkaambo ka bantu baciswa. Ikuti na kaambo kako nkabi kapati cakuti ndiza dokotela waamba kuti takukwe bulangizi; ino ndwandaano nzi olo nco lupanga, kufumbwa kuti Leza wa kwaambilia, “Ndiyo kulekela kupona”?

¹⁰⁶ Nkaambonzi nco... I dokotela na muna sayaansi umwi inga watii, “Bukombi bwako mbo kanana, Muuya Uusalala, a kwaambaula kwanu mu myaambo, a kuyubunuka kwanu—a kuyubunuka kwanu, nku nyongana buyo kwa kuyeeya.” Kutii, “To zuzigwa a Muuya Uusalala.” Kutii, “Takukwe cintu cili boobo.” Elyo zyuulu zinji zya bapaizi balaamba eco sunu, kuti, “Yebo uli nyongene koonse.” Kutii, “Kwiina cintu cili boobo.”

¹⁰⁷ Elyo mbocibede, bamwi babo bakati kuli ndime, “Nkaambonzi to sangani kabungwe kamwi kabotu, a kubelesya koongeleyza kwako kutola kumbele ku kabungwe ako?”

¹⁰⁸ Elyo mpawo kati, “Lino, eyi nkamu awa ya pentekoste njoli cenga azyo, ncikama buyo ca basilweeno. Elyo ba—ba... Takukwe cintu cili boobo. Ba nyanyamukwa buyo mu mizeezo. Taba—taba—taba jisi eco nco baambaula. Inga twa tondezya kuti taba cijisi.”

¹⁰⁹ Oh, mukwesu, wamuka buyo maningi. Tu lizi nco tu jisi! Twa kazyalululwa, aa Muuya Uusalala, alimwi tula bona milimo Yakwe mpoonya akati kesu, mbuli buyo mbo kwakabede mu ciindi ca Bbaibble. Ikuti na ula syoma mu Muuya Uusalala oyo nguwenya, mpawo nkaambonzi Nca tali mukucita cintu nciconya mu mbungano yako? Nkaambo, Ta konzyi kucinca; Ngu Leza.

¹¹⁰ Aboobo, takukwe makani obo zitondezyo zyasayansi mbo zibede, kuti tuli “kulimvwa buyo,” kuti tuli “nyongene mu mizeezo,” kuti taakwe “cintu ncobeni ku bukombi obu upati” bwesu, kuti “ta—ta cili buyo mbo ceelede kuba,” a zimwi zimbi

mbuli eco, kuti tuli “nkamu buyo ya batande,” muta cisyomi! Muta cisyomi!

¹¹¹ Ikuti na mwana wako musimbi wacitika kusika ku muunzi kuzwa ku cikolo, a kwaamba, “Baama, twa tondezya, sunu, kuti i—i kapoompo kamutwe wa muntunsi kali buyo mbuli oyo wa chimpanzii, mwabona.” Na, “Twa—twa kaiya alimwi—alimwi tu lizi kuti toonse twa kazwa ku seelo lyomwe luzutu, kuti tuli banyama buyo.” Muta syomi eco!

¹¹² Elyo takukwe makani eco kufumbwa muntu ncaamba, kufumbwa silwiyo lwabukombi, kufumbwa dokotela, kufumbwa muna sayaansi, kufumbwa mwiyi; ko jatilila ku Ijwi ly a Leza! Nkambo, amuyeeye, tuli mukuyaka, mbuli, Nowa wakali mu buzuba bwakwe, tuli mukuyaka Bwaato.

¹¹³ Elyo Nowa wakalizi kuti na takamanizya bwaato obo, kuti kutali biyo beng’anda yakwe mwini kuti kakonzya kufutulwa. Aboobo, wa kalizi mabambe aa Leza. Akati ka kukazya, tii kwaka mupenzya nokuceya. Wa hamusi wakazumanana mpoonya awo aa bbokesi eelyo.

¹¹⁴ Aboobo, takukwe makani kunji nko baamba, “Kwiina cintu cili boobo mbuli lubapatizyo lwa Muuya Uusalala. Kwiina cintu cili boobo mbuli kuponesegwa kwa Buleza.” Cileelede kuli ndiswe, cileelela kuli ndiswe, kuti tuzulizye bululami boonse, kuti twa imikila mu oora eli ly a kubetekwa, a kupindamuka ku Bwaato ly a Mwami!

¹¹⁵ Ba laamba kuti, “Mukwesu, uli nyongene mu lubbizyo lwako, azimwi zimbi. Kuli... Ta mweelede kubbizigwa mu Zina ly a Mwami Jesu.”

¹¹⁶ Nda kali kwaambaula ku banabukwetene babotu mangolezya ainda. Elyo kuli mwaalumi mukubusyi oyo waka bapatizigwa buyo, a kusyoma kuti kuli Leza omwe luzutu. Elyo mu muswaangano wa Bantu Basimakwebo taba kamulekeli kupa bumboni, nkaambo ta syomi kuti kuli Baleza botatwe.

¹¹⁷ Lino, takukwe makani eco nco baamba, cila yandika kuli ndiswe, cileelede kuli ndiswe, kuti tu zulizye bululami boonse. I Ijwi liyo syaala mbubonya cindi nkamu ya Bantu Basimakwebo a zyoonse zyamana, a mambungano takabi limbi. Ijwi ly a Leza liyosola kacili mbubonya! Li yotubamba kuzulizya bululami boonse.

¹¹⁸ Sena basinsimi tiiba kasinsima zya buzuba obuno? Amuyeeye, abo basikujana butongo, cileelede kuli mbabo kuzulizya ceeco, acalo, nkaambo ceelede kuzulizigwa, akwalo.

¹¹⁹ Pele, Nowa, tii cakamupenzya, wa kazumanana ncobeni nkaambo wa kalizi mabambe aa Leza. Wa kalizi eco Leza ncakali kuyo cita, Mukwesu Kidd. Wa kalizi kubikkwa kwa Leza nkaambo wa kaambaula kuli Leza, alimwi cakali kweendelana ku Ijwi ly a Leza, elyo wa kazumanana ncobeni kucicita,

nekuba. Naa sayaansi inga ya citondezya na kufumbwa cintu cimbi, na kuvula kwa kukazigwa kwaka bikkwa ali Nowa, wa kakkala ncobeni a Ijwi lya Leza, a kudinkaulwa mpoonya awo. Nkaambonzi? Ca kali kweelela kuli nguwe, nkaambo Nowa wakali musinsimi. Elyo cakali kweelela kuli nguwe kuti wa kabamba, Ijwi lya Leza. Wa kakkala a ndilyo.

¹²⁰ Ci leeleta ku musinsimi uuli oonse, musinsimi wa Leza wakasimpe, oyo uukkala a Ijwi. Kakutakwe kulanganya eco sayaansi ncoyi konzya kwaamba, a ceeco *eci* nco cikonzya kutondezya *eci*, na zimwi zimbi, ci—ci—ci bamba kuti cizulizya bululami boonse.

¹²¹ [Mukwesu Branham wabala kagwalo cabuumuzi—Mul.] Ncibotu. Ba katuma ijwi kuli ndime ku kombela baama mpoonya awo. “Amu mukombele lino. Dokotela wakazwaa kwiinka.” Yaa.

¹²² Lino, Mwami Jesu, Ndi liimvwi awa. Abo mbanyina. Ikuti na uyo unka, Nda tuula buntu bwakwe mu maanza aa Leza. Pele ngooyu Mulumbe oyo weelete kuzumanana, Mwami. Kuli kupona awa abo beelete—beelete kufwa. Kondi gwasya, Mwami. Ndili Wako. Mu Zina lya Jesu.

¹²³ Ci leelete kuli ndiswei! Ci leelete kuli ndime eno kuti Nda zulizya bululami boonse. Ijwi lya Leza liboola lutaanzi! Taakwe luyandisyo mbuli luyandisyo lwa Leza!

¹²⁴ Lino, Nowa, takukwe makani obo kukazigwa mbo kwakabede kuli taata Nowa, wa kalizi awo mpa kaimvwi, elyo aboobo wa kakkala ncobeni a Ijwi. Elyo wa kayaka bbokesi lya kuvunina beng’anda yakwe, nkaambo lyakali kweelela kuli nguwe kucita boobo. Ca kali kweelela kuli Nowa, ku—ku cita boobo.

¹²⁵ Ci leeleta ku Munakristo aumwi kwiiminina Ijwi. Mbombubo ncobeni. Koima ku Ijwi lya Leza! Majulu a nyika ziyo loba, moyo loba, Njo loba, mambungano ayo loba, tubunga tuyu loba. Pele Ijwi lya Leza tali kalobi! Koba uusyomeka, muzwamasi uusyomeka!

¹²⁶ Mu mazuba akwa Enoki, kakutana buyo zambangulwe, cindi Enoki nakalanga okuya a kubona Nowa katantamuna bwaato obo. Enoki wakali musinsimi. Enoki wakalizi kuti wa kali cikozyanyo. Elyo wa kalizi, kuti zambangulwe kalitana boola, kuti wa kacita kupa mukozyanyo, aboobo masikati amwi cakali kweelela kuli nguwe kweenda. Ca kali kweelela kuti inga wabweza kweenda oku a Leza. Elyo, bumwi, buzuba obo wa kacinca kazila kakwe. Mubusena bwa kwiinka koonse ku lubazu lwa cilundu, wa kabweza Mugwagwamupati wa Mwaami, elyo wa kazumanana buyo kweenda. “Elyo tiiba kamujana, nkaambo ta kali obo,” pele wa kali kweenda kutanta Mugwagwamupati wa Mwaami!

¹²⁷ O Leza, andibe mbuli Enoki! Cindi oora lyasika lyakuti Nde elede kubweza kazila, andi jane Mugwagwamupati wa Mwaami!

¹²⁸ Nda konzya kubona Enoki. Mbuli mbwa kaziba kuti cakali kweelela kuli nguwe, nkambo wa kali musinsimi, alimwi wa kalizi eco cakali kuyo citika. Aboobo, Nda konzya kumubona kamyonta mukaintu wakwe kuti musyaale kabotu, a kuti, "Oyandwa, Njo kubona akale." Kobweza bana bakwe, a kubamyonta kulaya; a kuselemukila ku mwana wakwe mulombe uukwetwe a mwana wakwe musimbi uukwete, a kubamyonta kulaya.

¹²⁹ Ba lati, "Nkokuli nkoya, taata? Sa wiinka ku kweenda kuniini?"

"Iiyi, kuunka mukulikwaya."

¹³⁰ Pele ta kabweza kazila, kakaindi kazizilwe ku buzuba obo. Wa kabweza Mugwagwamupati wa Mwaami, nkabela wa kazumanana kuya ku Bulemu. Ca kali kweelela kuli nguwe kucita boobo. Ta kali kuyanda kuzwa, pele nekubaboobo cakali kweelela kuli nguwe kuti wa kazulizya bululami boonse. Nkaambo, wa kali cikozyanyo ca Mbungano sunu. Wa kali cikozyanyo ca Mbungano iiya kuba akweenda kwa kulyoolola masikati, bumwi bwa masika aya. Tuyo uma Mugwagwamupati wa Mwaami, nkabela tuyo unka!

¹³¹ Inzya, cakali kweelela kuli Nowa, cakali kweelela kuli Enoki, kuti baka zulizya bululami boonse.

¹³² Mpawo Ndi yanda kukanana zya muntu umbi awa. Kwakali muntu wakaulikidwe kuti Daniele. Elyo wa kapona mu buzuba bwa basikujana butongo. Nywebo mulizi, Bana ba Israyeli baka gwisigwa kuzwa ku nyika yabo yakuzyalilwa, kuselemukila mu Babuloni, elyo mbaabo baka luuside, alimwi kwa myaka imwi ili makumi ali ciloba njo bakali kumusanza okuya. Pele kwakali musinsimi mukubusyi waka selemuka a mbabo, wa zina lya Daniele.

¹³³ Elyo walo a nkamu niini, bakwesu buyo basyoonto, bakali antoomwe nkabela bakali konkezya kuli Leza, kuti tiiba kali kusofwaazya beni a i—a bweende bupya bwa buzuba obo. Tee bakali kuyo cenga kubelesya nyama ya mwaami. Tee bakali kuyonywa zyakunywa zyakwe ziyumu. Tee bakali kuyo janika ku mapobwe akwe. Pele bakali kuyo libamba kusalala a kutuulwa kuli Leza, nkambo obu mbo cakali kweelela kuli mbabo!

¹³⁴ Ca kali kweelela kuli Daniele, nkaambo wa kali musinsimi, oyo wa kakkala a Ijwi.

¹³⁵ Kufumbwa musinsimi wakasimpe oyo uuji Ijwi lya Leza, kuti... Ikuti na tazi Ijwi lya Leza, nkokuti tali musinsimi wakasimpe. Ii musinsimi wakasimpe ukkala a Ijwi. Kufumbwa eco Ijwi nco lyaamba, bala kkala ncobeni a Ndilyo. Takukwe makani obo bweende bwa buzuba, na eco i—i mbungano yabusaasunu nco yaamba, na eco umwi umbi ncaamba, na muntuumwi umbi kucita cintucimwi cimbi, musinsimi wini ulakkala ncobeni a Ijwi.

¹³⁶ Elyo Daniele wakalizi, kuti na wakkala a Ijwi, eco nco cakamutolela. Ciyo mutolela mpuwo yakwe. Cakali kuyo mutolela luswaanano lwakwe a bakwesu bamwi. Cakali kuyo mutolela zintu zinji. Pele baka bamba kaambo, kuti, bakali kuyo komba kuli kaleza kamwi, mpawo kumane kuti bakali kukonzya kujoka a kukomba kuli leza uuli oonse.

¹³⁷ Pele nywebo mulizi, cintucimwi kujatikizya Ncico, Leza, ta tu limvwanyi a Leza. Kwiina kulumbaizya...kulimvwanya, a Leza. Leza ukkala buyo Leza! Ta tulangili, Munondo, kuba Banakristo, kaba Mu lumbaizya a ku Mu komba; alimwi mu Muvulo, caku kompama aku ciselusya, a misyobo yoонse ya miyeeyo, kuti, "Ambweni Nda kalubizya, alimwi Nda keelede kucita ceeci na ceeco." Tula kkala ncobeni caku tonkomekwa aa Ijwi lya Leza, a kakkala nkoonya kuli Ndilyo!

¹³⁸ Aboobo tu jana kuti, Daniele, cakali kweeleta kuli nguwe, mbuli musinsimi, ku kkala a Ijwi, kakutakwe kulanganya! Aboobo kwakali mulao wakazwa, a kuti, "Kuti kufumbwa muntu uyo komba kaleza kambi kali koonse, kunze lya leza oyo ngo bakasala." Mu majwi amwi, "Ikuti na to endelani a ndiswe, tuyo kusowa buyo mu bulyango bwa balavu." Ee, cakali kweeleta kuli Daniele, cakali kweeleta kuli nguwe kuti wa kazilizya bululami boonse, kuti ta kakomba kaleza kambi, na kulisanganya mwini a inyika; biyo kuli Leza luzutu! Aboobo, wa kajala zisitilizyo alimwi akuwaala cilembo, a kujula zisitilizyo, a kulanga koонse Kujwe, a kukomba ziindi zyotatwe a buzuba, mbuli buyo mbwa kacita lyoonse. Nkaambonzi? Kutali kusobeleta kubusena bumwi a kuyuba, ku kucicita, pele wa kajula mpulungwido; kulekela muntu uuli oonse kubona, oyo uyanda. Kwiina naka fwabweeme ku bukombi bwakwe.

¹³⁹ Nkaambo, cili mukuba Munakristo kuta fwabweeme ku bukombi bwako. Mbuli Paulo, wakale, kati, "Mu nzila itegwa nkuleya, kunyongana, eyo nje nzila Mbwe komba Leza wa matata esu." Mwabona? "Nse fwibweeme ku Makanimabotu aa Jesu Kristo," wa kati, "nkambo ni Nguzu zya Leza ku lufutuko, ku bantu boonse abo ba Ci syoma." Mbo mbubo, kuta fwabweeme ku Makani mabotu! Calo ncintu cijatilila mu maora cindi bwato nobyuuntana anyenyezei aimwi nita cilibonyi, a mweezi a nyenyezei, a maguwo aamvula kaaunga. Ici jatilide, nkambo alo Makanimabotu aa Jesu Kristo!

Daniele wakali kusyomeka. Ca keelede kuli nguwe.

¹⁴⁰ I bana ba Hebrayo, caka leeleda kuli mbabo, kuba mukuba, niba kamana kubweza kwiima kwabo nkambo ka Leza. Ca kali kweeleta kuli mbabo. Tii ba kabikkila maanu ku bbila lya mulilo. Kunsi lya masukusyo mayumu, ncinzi ncoba kabikkila maanu? Ba kabweza kwiima!

¹⁴¹ O Leza, ikuti na Banakristo basunu bakonzya biyo kubona ceeco! "Ndiyo sala nzila yangu a bace basampaulwa iba Mwami.

Nda talika kweenda a Jesu, O Mwami, ko ndiinzya.” Kunsi lyakubetekwa, mapenzi, kuciswa mitwe, lufu, malwazi, buusu, Ndi ciyo waala caabilo cangu ali Jesu Kristo, ku kubweza kwiima kwangu! “Ali Kristo, Mwaala muyumu, Nda imikila, masena onse ambi miseenga iibbila.” Zintuzyonse zimbi zili mukubbila. Mami ayowa, a masi ayo mwaika, a tubungwe tuyo mwaisya, a basilwiiyo lwa zyabukombi bayo fwa, pele Ijwi lyakwiima, liyo sola kacili mbubonya!

¹⁴² Iiyi, cakali kweelela kuli mbabo kuti bakatola kwiima kwabo. Elyo cakali kweelela kuli mbabo, kumane kubweza kwiima, awo mpo bakakkala a kwiima kwabo.

¹⁴³ Cindi mwaboola cifumo cino, kamusyoma kuti Leza uyo kuponya, nkabela mwabweza kwiima kwanu, cili mukuba kuli ndinywe kuti mutapi bumboni kufumbwa cintu ciimpene kuli ncico; na, muta booli. Mbo mbubo. Ikuti na tolimvwi mbuli kuti Leza inga wa kuponya, nkokuti kotantamuka, uli mukusa buyo kuzwa kuli nkuko.

¹⁴⁴ Ikuti na ulimvwa, cifumo cino cindi lwiito lwaku cipaililo lwasika, kuti, “Ndi yanda kubweza kwiima kwangu kwa Kristo.” Ikuti na walimvwa, kobala muulo; kobala bantu bako, kubona ikuti na ulakonzya kuunka ku nkondo. Bona ikuti na uli libambilide. Ikuti na tolimvwi mbuli kuti uli libambilide, uta booli. Pele ikuti na Cintucimwi ca kwaambila kuti, “Obu mbuzuba bwangu, eci cifumo cangu,” mpawo uyo boola a kukkalilila lyonse awo! Uta puti pee, takukwe makani na lufu lwaku langanya, a sikunku kauimpuuka ku meso ako. Ino ulibilika nzi? Kwiima awo! Nkambo, “Majulu a nyika ziyo loba; Majwi Angu tako kakilwi!” Muyo kkala a Ndilyo.

¹⁴⁵ Cindi waamba, “Nda syoma Jesu Kristo mbuli Sikuponya wangu. Nda syoma, cifumo cino, kuti Uyo ponya mubili wangucisidwe. Cintucimwi caka ndaambila kuboola ku mbungano. Ndili waano akati ka basyomi. Ndi bweza kwiima kwangu, cifumo cino. Nda Ci syoma! Ndi inka kutala kuyo kombelwa. Cindi Nda kombelwa, awo aa kwiima oko Ndi nocitide! Takukwe makani obo mbo kusiya, na awo mpo cibede, Ndi ciyo imikila aa kwiimikila oko.” Wa kabweza kwiima nkaambo cili mukuba kuli nduwe.

¹⁴⁶ Yebo noka mana kubamba kulyaambilila, yebo weelede kukkanala a kulyaambilila kwako. Mbo mbubo. Kuleelede kuli nduwe, mbuli Munakristo, mbuli musyomi, ku kkala a kulamwa kwako.

¹⁴⁷ Muta lekeli dyabulosi ku mutonta kuzwa awa a kokuya. Muli syankene lyoonse. Muli zwide mu mugwagwa mupati lyoonse. Uli mu lyoonse a nze. Elyo nje nzila mbo takonzyi kukkanala amwi. To konzyi kuba a kaanzambwene muli lwako. Na, to konzyi, taakwe ukonzya kuba a kaanzambwene muli nduwe. We elede kwiima! Elyo cindi wacita koonse nko konzya kucita ku kwiima,

mpawo koima! Amuzumanane buyo kwiimikila! Mbo mbubo. Twe elede kucita ceeco. Ce elede kuli ndiswe. Cileelela kuli ndiswe, kuti tula cicita.

¹⁴⁸ Ca ka leelede kuli Eliya, kweeela kuli Eliya musinsimi, kuti wa kabamba kwiima kwakwe kuzulizya Ijwi lya Leza, nkaambo wa kalizi Ijwi lya Leza. Elyo wa kalizi kuti oyu archibishopo, Jezebele, elyo kwiimpana kwabo koonse kwakabungwe kwaka njilana a bweende bwa nyika. Ca kali kweeela kuli Eliya, mbuli musinsimi, oyo ngwa kaima. Elyo wa kaima alikke! Kati kuli Leza, “Boonse bali nyonyookede, pele mebo, a Ndime tula ima tolkke.” Oko nkuciimo mbuli mbwa kazi. Leza wakati Wa kajisi bamwi bambi baka bweza kwiima nkukonya; ndiza kutali mu busena obo—obo Eliya mbwa kabede, nkaambo wa kali mbaakan ku cisi. Tiiba kajana kukazigwa mbuli mbwa kacita, nkaambo boonse bakali kumudubula ncobeni, nkaambo wa kali musinsimi. Pele cakali kweeela kuli nguwe, akati ka kubetekwa, akati ka kukazya, akati ka kancimwa; cakali kweeela kuli Eliya, mbuli musinsimi, ku kubweza kwiima kwa Leza, a kwiima awo.

¹⁴⁹ Cileelela kuli ndiswe kuzulizya bululami boonse. I bantu, bapati basinguzu, kabatondezya buzuba obu cindi bukombi bwa Jezebele a zintu nobuli mukubuka eno, zintu nzo tujisi sunu, kusola kutola bweendelezi. Ci leelela ku mulanda wa Leza, takukwe makani eco umwi ncaamba na eco cicitika, kwiimikila, nkaambo cili mukuba kuli ndiswe kuti tu kkale a Ijwi.

¹⁵⁰ Eliya wakalizi kuti wakali musinsimi. Wa kabona zilengaano. Leza waka mu simpikizya kuba musinsimi. Aboobo takukwe makani na babunyina bakwe... Kwakali makumi aa zyuulu; amulange buyo bana Israyeli, mamilioni abo, bantu bakataminina kusyoma muli Jehova, ba kajisi—ba kalibunganya beni. Ba kaunkide cabusyaasunu, mbuli mbo babede sunu. Ba kaunka basyaasunu. Ba kalimvwanya aa Ijwi Lyakwe. Aleluya, pele cakali kweeela kuli nguwe, Eliya, kuti wa kazulizya bululami boonse. Aboobo wa kaima awo, alikke, koompolweda bubi! Ikuti na baka tolede buumi bwakwe, ino ncinzi? Ca kali kweeela kuli nguwe, ku zulizya bululami boonse. Kwakali bubi mu cisi. Kwakali kancimwa mu cisi. Kwakali bulubizi bwa Lugwalo mu cisi. Elyo cakali kweeela kuli Eliya, kuzulizya bululami boonse, kwiiminina Jehova; mpawo Jehova wakaiminina Eliya. Ameni. Kuba kuli nguwe!

¹⁵¹ Abrahamu. Cakali kweeela kuli Abrahamu kulyandaanya kuzwa ku kutasyoma. Kuba ku musyomi uuli oonse kuli pambula kuzwa ku kutasyoma! Abrahamu, cakali kweeela kuli nguwe kweenda mu cisi cakwe mwini, walo a Leza, alikke, nkaambo wa kali musinsimi. I inyika tii yakamvwisy kaambo Abrahamu nca kabamba kusala kuli boobo. Nkaambonzi nca kasiya muunzi wakwe? Nkaambonzi nca kasiya bantu bakwe? Nkaambonzi nca kacita cintu ca kugubila boobo, ku kweendeenda mu

nyika nyenzu oko kutakwe maanzi na cakulya? Nkaambonzi nca takainka mu lukulo olo tutakwe ziteo oko bantu nkoba taninga unka? Pele cakali kweelela kuli nguwe, nkambo wa kali musinsimi, ku lyandaanya kuzwa ku kutasyoma koonse, a kweenda alikke a Leza. Leza wakati, "Lyandaanye lwako, nkabela Njo kulongezya."

¹⁵² Cindi wali pambula kuzwa ku kutasyoma koonse, Leza uyo mulongezya. Elyo cili mukuba kuli umwi aumwi wesu, kakutakwe kulanganya muulo, ku kulyandaanya lwersu kuzwa ku inyika ya batasyomi. "Amuzwe akati kabo, akuba bandeene," mbwaamba Leza, "Njo mutambula." Ci leelela kuli ndiswe, mbuli baalumi a banakazi ba Leza, ku kubweza kwiima kwesu mu oora eli lisiya ndyo tupona.

¹⁵³ Abrahamu, kakutakwe kulanganya eco bamwi babo ncoba kayeeya, wa kalyandaanya mwini. Nkaambonzi? Wa kabona Leza. Wa kabona cilengaano. I cilengaano cakali ca bwini, cilengaano cakacitika. Wa kalizi kuti Leza wakali a nguwe; Abrahamu, kubamba kaambo kali boobo ka kugubila mbuli mbwa kacita. Ii mwaalumi wa myaka ili mwaanda yakukomena, a mukaintu makumi ali fuka, nkabela waa kali musundi nkabela wa kali musundi, elyo bakali kuyooba a muvwanda ku bukkalo obu. Baa, sayaansi ya masilike iya buzuba obo niya kamwiita kuti musyobo umwi wa utakwe buzibe. Niba kamwiita kuti "ulinyongene." Pele cakali kweelela. Aleluya!

¹⁵⁴ Ziindizimwi ceelede kuba citakwe buzibe, ikuti na cileendelana ku Ijwi.

Leza waka kanana kuli nguwe, kati, "Abrahamu."

Kati, "Iiyi, Mwami?"

¹⁵⁵ "Ndime Leza wa bamauso. Ndime Leza wa Butamani. Ndime El Shaddai; Ndime Wamunsi, Ndime Nkolo, Ndime Sikupa Nsana. Ta ndikwe makani obo mbo cembeede, Abrahamu, ncinzin eco kuli Ndime? Ta ndikwe makani obo mboli musundi na obo zyalilo lyakwe mbo libede, Njo kupa mwana."

Elyo Abrahamu wakati, "Nda Ku syoma, Leza." Aleluya!

¹⁵⁶ I Bbaibbele lyakati, "Ta kazungaana aa cisymezyo ca Leza, kwiinda mu kutasyoma, pele wakali tuyumu, kalumbaizya Leza." Nkaambonzi? Ca kali kweelela kuli nguwe. Wa kabona janza lya Leza kalibeleka, mu nguzu.

¹⁵⁷ Oh, Branham Tabernacle, ino musyobo nzi wa ijwi ngo tuyopa ku Buzuba bwa Lubeta? Cindi, twa bona janza Lyakwe lyanguzu. Twa bona Nguzu Zyakwe. Twa kalangilila Bulemu Bwakwe. Twa kabona eco Nca kaamba; Ta cikakilwi. Twa kabona Muntu Wakwe, Musumpululu wa Mulilo mupati, Mumuni kaulengelela mu kaanda awa. Twa ka Ci bona kulaale, sayaansi yafotola zifwanikiso zya Ncico, a zintuzyonse. Elyo kumvwa Mulumbe kauyutuka, nkoonya kugama ku mundando,

"Lyandaanye lwako kuzwa kuli mbabo! Utali swaanganyi a cintu cili coonse ca kutasyoma!" Ci leelela kuli ndiswe, kuti tu zulizye bululami boonse.

¹⁵⁸ Abrahamu wakali kulibanda kuti wakali muzwakule a mweenzu. Ta kajisi cintu cakucita; ta kazi muntu aa nyika. Wa keenda a Leza, nkaambo cakali kweeela kuli nguwe, nkambo wa ka Mu bona. Ca kali kweeela kuli Abrahamu. Cindi boonse abo bami niba kaswaana okuya, nywebo mulizi, ku mubamba kuba mulombwana mupati ncobeni; bami boonse, Abrahamu nakamana kuba a luzundo olu lupati, cindi bami niba kamuswaana okuya, boonse babunyina bakabungwe, a kuti, "Yebo ulizi, Abrahamu, tuyu—tuyo panga cizuminano a nduwe. Tuyo cita *boobu-a-boobu*."

¹⁵⁹ Wa kati, "Nse kabwezi kuzwa ku kabbadela ka mabusu, kuli ndime; kutali kuti inga waamba, 'Nda kabamba Abrahamu kuba cintucimwi.'"

¹⁶⁰ Oh, cakali kweeela kuli nguwe, nkambo wa kalizi (Aleluya) kuti Leza waka konkezya kuli nguwe, "Njo kupa koonse nko langa: kujwe, kunyika, kumbo, na kumusanza."

¹⁶¹ Ino cibamba lwandaano nzi naa tu jisi maseenti osanwe na maseenti ali kkumi, naa tu jisi cintucimwi cakulya na ta tujisi, naa tuli mukupona na kufwa? Leza wakasyomezya, "I babombe bayo kona nyika." Cileelede kuli ndiswe, cileelede kuli ndiswe, kuti tu pona mbuli njiyo, kulilemeka mbuli njiyo, ceelede kuzulila bululami boonse. Leza uyanda baalumi a banakazi abo bayoima a kuzulizya bululami boonse! Mubwini, *bululami* ndi "Ijwi Lyakwe."

¹⁶² Mboli mbo Nda kaamba ku matalikilo aa nkambauko, nke kaambo Jesu ncaka bapatizingwa. Takukwe makani obo mbo cakabede... Ikuti na Wa kataminina kuba Mwana wa Leza, mpawo kubapatizingwa, ku kujatilwa kwa zibi? Ta kajisi naba omwe. Pele Wa keelede kusanzigwa, nkaambo Wa kali Mupaizi Mupati. Wa kacita kuzulizya bululami boonse. Kati, "Ko cileka, Johane. Ndi lizi kuti uli cizi. Ndi lizi kuti Ndili cizi. Elyo tuli zibene. Pele tuyu penga eco kuba booboo, pele obu mbo ceelede kuli ndiswe." Ameni! Aleluya!

¹⁶³ Mpawo Njo sala nzila ya bace basampaulwa iba Mwami! Ci leelede kuli ndime, ci leelede kuli nduwe, mboli balanda ba Leza, kuti tu bweze nzila a bace basampaulwa iba Mwami; cakuti tweenda cabunaleza, cabululami, kusalala, mu buumi obu bwasunu; kubikka ambali zitucelezya zyoonse zitunamatila kapati; kulanga kuli Mukamwini a Sikulomya wa lusyomo lwesu, Jesu Kristo! Ameni.

Ca kali kweeela kuli Abrahamu, cindi na keenda kutala okuya.

¹⁶⁴ Elyo Leza waka mwaambila, "Lino, kobweza mulombe oyu muniini. Lino uli mwaanda a (kutandila) myaka ili makumi obilo

yakukomena. Elyo ujisi mulombe muniini awa, mukompami muniini. Walo muntu muniini mubotu. Pele Ndi yanda kuti mutole kutala okuya aa mulundu, a kumutuula kuba cituuzyo, munsi lyakwe Ndiyo panga masi manji kuzwa kuli ndinywe.” Mbobuti mbo cikonzya kuba? Kuboneka mbuli kuti Leza waka nyongana koonse. “Ndiyo bweza, kwiinda muli Izaka, a kuleleka nyika yoonse a cisi coonse, a nguwe; pele Ndi yanda kuti mu, mutole, kutala okuya a kumujaya. Kwiinda mu lunyungu lwa Izaka . . .” Aleluya! “Kwiinda mu lunyungu lwa Izaka Njo leleka cisi coonse kunsi lya Majulu, pele Ndi yanda kuti mutole kutala okuya a kumujaya.”

¹⁶⁵ Oh, oyo taata mudaala, mukali, tuyumu, uusitikide; a nkuni a cisaka kusule lyakwe, kasololela kadonki. Ma! Izaka Muniini keenda kumbele lyakwe! “Ta kazungaana aa cisyomezyo ca Leza, kwiinda mu kutasyoma.” Ca kali kweelela kuli nguwe!

¹⁶⁶ Nkambo Abrahamu wakati, mwini, “Nda kamutambula mbuli umwi kuzwa ku bafu, alimwi Ndili lamidwe cakumaninina kuti Leza ulakonzya ku mibusya alimwi.” Amen! Ca kali kweelela kuli Abrahamu, kuzulizya bululami boonse. Wa kalizi eco ncakali kwaambaula. Wa kalizi Leza wakwe. Wa kalizi, eco Leza nca kaamba, Leza ulakonzya kucita. Eco cisyomezyo Leza nca kabamba, Leza ulakonzya kubamba cisyomezyo Cakwe, kakutakwe kulanganya. Aboobo, cakali kweelela kuli Abrahamu kuti wa kazulizya bululami boonse.

¹⁶⁷ Ca kali kweelela kuli basikwiiya, ku Pentekoste, kuunka ku kaanda ako kamujulu. Nkaambonzi? Nkaambonzi nco cakali kuba? Nkaambo baka swaana Muntu; Mubezi, kazizilwe ku inyika, Mweenzu muna Galilaya kajisi zina bbi, “wamusokwe.” Pele ba kabona oyo Muntu kabuka bafu. Ba kabona oyo Muntu kajula meso aofweede. Ba kamvwa oyo Muntu kakambauka Ijwi lya Leza, lisalala. Elyo ba kalizi kuti Wa kali Mesiya. Ba kabona zitondezyo zyoonse kazi Mu zungulukide. Ba kamvwa Leza kavviila kuzwa ku Majulu. Ba kabona oyo Musumpululu wa Mulilo kaulengelela atala Lyakwe. Ba kalizi kuti Wa kali Mesiya. Elyo cindi Na kabaambila kuti, “Nce ceelede kuli Ndime kuti Ndi inke; pele Ndi yanda kuti kamuya kutala kuya ku muunzi wa Jerusalema, a kukkanla kutala kuya. Amulindile buyo kuya.”

“Kulamfu buti?”

“Kusikila!”

“Nciindi cilamfu buti eco mbociyooba, Mwami?”

¹⁶⁸ “Buyo kusikila! Kusikila mukazuzigwe Nguzu zizwa Kujulu! Mpawo myuooba bakamboni Bangu.”

“Nciindi cilamfu buti mbociyo kkala, Mwami?”

¹⁶⁹ “Ku nzyalani *eyi*, a ku nzyalani *eyo*, alimwi boonse Mwami Leza wesu mbayo ita. Ku Jerusalema, Judaya, Samaria, a ku

zibeeala zili kulaale zya nyika. Pele, kamutana kuunka, Ndi yanda kuti mulindile! Ndiyo kucitila cintucimwi."

¹⁷⁰ Ca kali kweeela kuli mbabo kuti ba kaunka mu ng'anda ya mujulu, nkaambo ba kabona Nguzu Zyakwe. Ba lizi kuti Wa kafwa, kafwide. Kafwa kafwide loko cakuti ayalo mweezi a nyenyeesi zya kapa bumboni kuti Wa kali fwide, ba kasisa masyu abo nkabela tiibaka balama. I nyika yakalizi kuti Wa kali fwide, kusikila ya kayuuntana a kulibiliika kupati. I mabwe akabbya kuzwa aansi, akali omuya kuzwa ku lunyonyooko lwa zambangulwe. Ba kalizi kuti wakali Mesiya. Ba kalizi kuti, Ijwi Lyakwe lyakaliko, kuti Wa keelede kujosya Muuya Uusalala. Ba kalizi kuti cakali cisyomezyo. Ba kalizi kuti bakacita kulindila kutala okuya nkambo ka Ncico. Ba ka Mu bona. Ba kalizi kuti Wa kali fwide; ba kalizi kuti Wa kabuka. Ba ka Mu bona, aboobo ba kalizi eco nco bakali kwaambaula.

¹⁷¹ Kusikila muntu ulizi eco ncaambaula, ta konzyi kwaamba kunji loko. Pele cindi waziba eco nco ambaula! Ikuti na uyeyya kuti eci cila boteleyza, boola Ci bweze lomwe, mpawo uyo ziba eco nco ambaula. Ta kuli kubotelwa. Ni Nguzu zya Leza ku lufutuko. Walo Muuya Uusalala. Ndi lizi eco Nce kanana. Bantu boonse, baka Mu tambula, balizi eco nco baambaula.

¹⁷² Ca keelede ku basikwiiya, ca kali kuba kuli mbabo kuti ba keelede kubamba Ijwi Lyakwe, ku lindila ku Jerusalema. Aboobo bakaunka kutala kuyo lindila ku Pentekoste, kusikila bakatambula Muuya Uusalala. Nkambo, mpawo ba kalizi kuti mulimo wabo tiiwa kakonzya kuzumanana kusikila niba katambula Muuya Uusalala, kupa bulunguluzi Bwakwe. Ba kalizi kuti tiiba kali kukonzya. Pele bakacita kuba a Busyu Bwakwe, aboobo bakaunka ku Bu lindila.

Kwa keelede kuli Petro, Jesu nakamana kumuswaana.

¹⁷³ Muli Marko 16, kati, "Kamuva mu inyika yoonse, akuyo kambauka Makanimabotu. Ezi zitondezyo ziyo batobela abo basyoma. Mu Zina Lyangu bayo tanda madaimona, kwaamba mu myaambo mipya, kujata nzoka; kunywa zintu zikola, ta cika bakoli pe; ikuti na babikka maanza abo aa balwazi, bayo pona."

¹⁷⁴ Kwa keelede ku Musalali Petro, muzeli wanswi mudaala, taka jisi lwiiyo lukubwene lwa kusaina zina lyakwe mwini. Pele buzuba bumwi cindi nakali kwiinda mu mulyango Muboto oyo Solomoni ngwa kayaka, mpaawo kwakalede muntu oyo wakali mulema. Mazwi akwe akali kompeme, ingo, takali kukonzya kweenda. Wa kali munzila eyo. Ta kajisi nguzu. Ii muntu wakali kutandila myaka ili makumi one yakukomena, nkabela ta kajisi nguzu. Pele cindi Petro nakamvwa nkomeki ya nkaphu, elyo wa kalanga ansi a kubona muntu mulema kakkede alya, alimwi Cintucimwi cakapaka mu moyo wakwe! Wa kali ku Pentekoste, wa kajisi Muuya Uusalala! Wa kajisi cisyomezyo ca Jesu, aboobo kwa kayandika, kwa kali kweeela kuli nguwe, kuti wa kati,

“Nsiliva a ngolide Nse jisi.” Wa kapa bumboni bwakwe, “Nse jisi nsiliva a ngolide. Pele, mbuli eco Nce jisi, Njo cipa kuli nduwe ikuti na wakonzya ku citambula.”

Inga ndayeyela muntu kati, “Inga nda citambula.”

¹⁷⁵ Kati, “Mpawo, mu Zina lya Jesu Kristo waku Nazareta, koima ku matende ako a kuba kabotu.” Elyo wa katambikizya ansi a kumu bweza, ku kubelesya lusyomo lwakwe, aku mibusya mbuli booboo; a mafuwa akwe akatambula nguzu, elyo wa kaunka, kasunkuta, kalumbaizya a kulemya Leza.

¹⁷⁶ Ca keelede kuli nguwe kucicita, ca kali kweeleta kuli nguwe. Wa keelede kucicita, nkaambo wa kali sikwiya uunanikidwe. Wa kali a Jesu. I inyika yoонse yakalizi, buzuba kabutanaba, mu Nkuta ya Sanhedrini, cindi niba kamubunganya, walo a Johane, bobilo babo, bantu buyo a batayiide; ba kalizi kuti bakali antoomwe a Jesu, nkaambo ba kamvwa nzila mbo bakali kwaambaula, camba ncoba kajisi. Ba kalizi kuti cintucimwi cakacitika kuli mbabo. Elyo Petro wakalizi obo. Aboobo cakali kuba Petro, cakali kweeleta kuli nguwe nkaambo kakuti wa kajisi cisyomezyo ca Leza ca buzuba obo.

¹⁷⁷ “Njo mupa Nguzu. Njo mupa Nguzu. Muyo lyataula aa mitwe ya nzoka a tubanze. Kufumbwa nco lomba mu Zina Lyangu, eco Nceyo cita. Ikuti na waamba ku dundu eli kuti, ‘ko zyuka,’ a kuta cizumbauzya mu moyo wako, pele kusyoma kuti eco nco neambala ciyo critika, inga watambula eco nco waamba.”

¹⁷⁸ Cileelede kuli Petro mpawo ku Ci syoma. Cili mukuba nguwe. Eco nca keelede kucita, nkaambo wa kalizi kuti wa kapona mu buzuba bwa kutumwa oko. Oyo wakali Mumuni wa oora. I bubuke bwakazwaa kusika, Muuya Uusalala wakaliko. Wa kali kweeleta kuli nguwe.

¹⁷⁹ Ca kali kweeleta ku Musalali Paulo; kumane kuba sikujana butongo. Elyo mu lweendo lwakwe kuselemukila ku Damasiko, buzuba bumwi okuya, oyo Musumpululu wa Mulilo waka sololela Israyeli kuzwa mu Egepita kuya mu nyika ya cisyomezyo, eyo yakaba mu mubili wabuntu a kukkala akati kaboo a kubweeda kuli Leza, kaambaula kuli nguwe. Elyo wa kagambwa, “Mbobuti oyu mbwa konzya kuba Jehova? Mbobuti mbo cikonzya kuba? Elyo ngooyo Mbwa bede, mu Musumpululu wa Mulilo nguwenya, kaulengeleta okuya.” “Mwami, ino Nduweni Ngwe penzya?”

¹⁸⁰ Wa kati, “Ndime Jesu.” Oh, ma! Wa kamutuma, kamupa mulimo wakwe. Katuma Paulo, kamupa mulimo wakwe.

¹⁸¹ Paulo wakali mu Busyu bwa Leza, wa kabona Musumpululu wa Mulilo. Wa kabona kuti Jesu wakali Musumpululu wa Mulilo lomwe, mpawo wakaba mu mubili wabuntu akukkala akati kesu, a kubweeda ku Musumpululu wa Mulilo, a kumutuma ku mulimo wakwe. Aleluya! Taakwe cintu ciyo muzungaanya. Ca kali kweeleta kuli nguwe, cindi niba kagusya tutambala

kuzwa ku mubili wakwe a kutuma ku balwazi. Ca kali kweelela kuli nguwe, nkaambo wa kalizi kuti wa kali muapostolo uunanikidwe. Kabona zilengaano zya Leza, nkabela Leza wakalibonya kumbele lyakwe a kukanana, a kucibona kacicitika mbubonya buyo. Baa, cakali kweelela kuli Paulo, kuti cindi asola kugwasya bantu, kuzulizya Ijwi eelyo ndya katumwa. Wa kali Mumuni wa buzuba. Wa kali Mumuni kuli Bamasi. Wa kali cizi. Leza waka mutuma kuba. Wa kali Mumuni mu buzuba obo. Aboobo, Wa katumwa kuli Paulo.

¹⁸² Lino cili mukuba ndiswe, kweelela kuli ndiswe mu buzuba obuno. Tu lizi! Twa kazwaa kwiinda mu Makkalo aa Mbungano. Tu lizi kuti twa katambula Muuya Uusalala, tu lizi obo kwiindilila cimvule ca kuzumbauzya. Tu lizi tu jisi Mumuni wa Makanimabotu.

¹⁸³ “Amusanduke, umwi aumwi wanu, a kubapatizigwa mu Zina lya Jesu Kristo, kuti mujatilwe zibi zyanu, nkabela moyo tambula cipego ca Muuya Uusalala.” Takukwe bapaizi mu inyika, na cintu cimbi, cikonzya kusampa Paula Ceeco. Mbobuti eci mbo ceelede kucitwa? “I cisymezyo cili ku bana banu, kuli baabo bali kulaale, abalo boonse Mwami Leza wesu mbayo ita.”

¹⁸⁴ I musinsimi wakati, “Kuyooba Mumuni ku ciindi caku mangolezya, eyi Mimuni ya Makanimabotu iyo pilukila alubo.” Mbuli zuba ndilyonya lipasuka Kujwe a kubbila Kumbo, Liyo jokela alubo mu mazuba aakumamanino. Mpaawa mpo tubede mu mazuba aakumamanino!

¹⁸⁵ Twa katambula Muuya Uusalala. Tu lizi obo. Twa kaambaula mu myaambo mbuli mbo bakacita ku Pentekoste. Elyo tu lizi kuti inga mwa Ci tambula.

¹⁸⁶ Tu lizi kuti angelo waciloba wa kapa Mulumbe. Tula Ubuna kusimpikizigwa, citondezyo.

¹⁸⁷ Tu lizi kuti tuli ku mamanino aa Bukkalo bwa Laodikeya. Tu lizi kuti nzwango zya cisi, zitondezyo a zigambyo, zili mukulibonya koonse. Tu lizi kuti tuli ku ciindi camamanino.

¹⁸⁸ Leza kapa bumboni! Alimwi cileelede kuli ndiswe, cileelede kuli ndiswe kuti tu zulizye bululami boonse. “Zisi zilwana masi, kunyongana akulibilika ku ciindi, mafwabi,” zintu ezi zyoonse nzo twa kamvwa. Ikuti na wakonzya ku Ci tambula!

¹⁸⁹ Lino tuli ku oora lya mamanino. Tuli mu Bukkalo bwa Mbungano ya Laodikeya. Aumwi mutumwa wapa bukkalo bwakwe, kupa Mulumbe wakwe mu bukkalo bwakwe. Elyo tuli waano kumamanino aa bukkalo, alimwi tula bona kuti Leza waka cisimpikizya a zitondezyo a zigambyo. Elyo taakwe muntu ukonzya kwaamba kuti tacili boobo.

¹⁹⁰ Uli waano lino! Uli mu Mbungano! Uli mu bantu. Taakwe muntu ukonzya kwaamba kuti tacili boobo. Tu lizi kuti Mpali ano.

¹⁹¹ Elyo cileelede kuli ndiswe ku bweza Ijwi Lyakwe. Swebo, cileelede kuli ndiswe kusyoma bululami boonse. Cileelede kuli ndiswe. Ci leeled e kuli ndiswe kuti tuzulizye zintu zyoonse ezyo Nzya kaamba.

¹⁹² I mbungano ili kompeme, mambungano aa sunu. Tuli pambukene mu nzwango zyatubunga, kwandaanisigwa kwa bunyina; Methodisti, Baptisti, Presbyteria, Babumwi, Babutatu, Babusanu, misyobo yoonse ya zintu. Tuli pasaukide. Eyo nje nzila mbo ceelede kuba. Ceelede kuba munzila eyo.

¹⁹³ Mpawo kuyo boola Mulumbel! Oh, Aleluya! Tu lizi kuti nguonya Musumpululu wa Mulilo waka sololela Israyeli. Tu lizi kuti mulimo nguwenya oyo wakeenda a Jesu Kristo, kwiinda ku Musumpululu wa Mulilo oyo waka Mu nanikide, nkwienda antoomwe a Mbungano sunu. Sayaansi ya citondezya; ta tuyandikani eco. Leza waka citondezya! Tu yandikana mulimo wa Jesu Kristo ku kweelela eelyo Bbwe lyabwendelezi kali boola kutala, oyo waleta Mbungano mu busena oko mulimo nkoubede mbubonya mbuli mbo wakabede cindi Jesu nakazwa. Mbubonya!

Masi ali mukumwaika, Israyeli ilimu
kusinsimuka,
I zitondezyo ezyo basongo nzoba kasinsima;
I mazuba aa Bamasi akkwana, a mafwabi
kutalika;
“Amubweede, O nomu mwaikide, kuya
mwanu.”

¹⁹⁴ Tuli mu mazuba aakumamanino. Elyo cileelede kuli ndiswe, cileelede kuli ndiswe kuti tu zulizye bululami boonse.

¹⁹⁵ Amuyeyeye, Jesu wakati, “Mbuli mbo kwakabede mu mazuba akwa Lota, mbubonya mbo kuyooba mu Kuboola kwa Mwana wa muntu.” Mbangaye bayeeya eco? [Mbunga yaamba, “Ameni.”—Mul.] Yaa. Ino cakali cinzi mu mazuba akwa Lota? Ino Wa kapa nzi?

¹⁹⁶ Kwakali misela yotatwe ya bantu mu mazuba akwa Lota. Sa mbo mbubo? [Mbunga yaamba, “Ameni.”—Mul.] Ngooyo sikutasyma, sikuli-cengeezya, a musyomi. Umwi aumwi wabo wakatambula mutumwa. Mbo mbubo. Cindi Abrahamu naka kkede kunsi lya mubanga wakwe, ncinzi cakacitika? Amulange eco cakacitika.

¹⁹⁷ Kwakali Angelo wakaseluka a kuselemukila mu Sodoma. Oyu Muntu wakainka kunselelo okuya a kuiyiisa kweempwa kuli mbabo, kuti beeled e kweempwa a kusandukila kuli Leza. Neinzi cakacitika? Botatwe biyo bakazwa, Lota a bana bakwe basimbi bobilo. Mukaintu wakwe wakasanduka kuba ndomba lya munyo. Botatwe biyo bakazwa, cindi nikwakali Billy Graham wa busyaasunu oyo wakadubula mulumbe kumusanza omuya kuli mbabo.

¹⁹⁸ Elyo tula bona eco kacicitika sunu. Tula bona, ku mbungano ya kuzina buyo, tula bona mutumwa kayabuya, kakambauka.

¹⁹⁹ Elyo kwakali Omwe Oyo wakasika kuli Abrahamu a Mbungano nsale. Wa kabapa citondezyo. Elyo tu lizi kuti obo mbwini. Tu lizi kuti nkasisimpe. Wa kakkala a sule Lyakwe kalifutete ku tente, kaambil Sarah kuti wakalini, eco cakali ku moyo wakwe, eelyo lyakali penzi lyakwe. Wa kapa mulumbe, mbubonya. Abrahamu wakalizi kuti wakali Leza. Nkambo, mpoonya biyo Na kamana kwaamba booboo, wa ka Mwiita kuti, “Elohimu,” Mutumwa, wakaba mu mubili wabantu, kuleta Mulumbe ku Sodoma a Gomora.

²⁰⁰ Elyo cindi twa bona zintu ezyo Jesu nzya kaamba kuti ziyo citika, ci leelede kuli ndiswe kuti tu zuzikizya bululami boonse. Ci leelede kuli ndiswe kuti tu bweze Leza ku Ijwi Lyakwe. Sena mula syoma obo? [Mbunga yaamba, “Ameni.”—Mul.] Obu kulekezya kuba booboo lino.

²⁰¹ “Mukwesu Branham, uli—uli—uli zwide mu bweende bululeme a zimwi, tubungwe.”

²⁰² Eco inga caba booboo. Cileke eco kuba booboo lino. Mbo mbubo, cileke eco kuba booboo.

²⁰³ “Ee, inga waba kabotu loko ikuti na wazumanana a kubeleka amwi.”

²⁰⁴ Cileke eco kuba booboo eno, kuti. Pele obu mbo ceelede kuli ndiswe. Tuli bantu Bakwe, basinsimi Bakwe, basongo Bakwe. Ci leelede kuli ndiswe kuti tu zulizye bululami boonse. Aboobo, atu cite eco, mbuli mbo tukotamika mitwe yesu.

Masi ali mukumwaika, Israyeli ili
mukusinsimuka,
Zitondezyo ezyo Bbaibbele nzolya kasinsima;
Mazuba aa Bamasi akkwana, a kuyoosya
kwalesegwa;
“Amubweede, O nomu mwaikide, kuya
mwanu.”

Ii buzuba bwa lununuko buli afwaafwi,
Myoyo ya bantu ili mu kuwizuka nkambo ka
buyoofu;
Amuzuzigwe a Muuya, malampi aanu
kapukutidwe akuba kabotu,
Amulungumane, lununuko lwanu lwaswena!

Basinsimi babeji bali mukweena, Bwini bwa
Leza bali mukubukaka,
Kuti Jesu Kristo ngu Leza wesu, (Obo mbocili
bwini; oh, myaanda!)
Pele tuyu enda awo baapostolo mpoba kalyata.

Nkambo buzuba bwa lununuko bwaswena,
 Myoyo ya bantu ili mu kuwizuka nkambo ka
 buuyoofu;
 Amu zuzigwe Muuya, amube a malampi anu
 kapukutidwe akuba kabotu,
 Amulungumane, lununuko lwanu lwaswena!

²⁰⁵ Kuciindi nomu kotamikide mitwe yanu, sa cili mukuba kuli ndinywe, cifumo cino, kuti wapa buumi bwanu kuli Kristo? Sa Wa kanana kuli Nduwe? Ikuti na mboobo, tambika buyo janza lyako kuli Nguwe, a kuti, “Nda tambula eno Kristo. Cili mukuba kuli ndime kuti Nda pa koonse kwangu, luyando lwangu, cifumo cino, kuli Nguwe. Nda tambika janza lyangu lino a kwaamba, ‘Mwami Jesu, koba siluse.’ Nda Ku bula, oh, obo Mbwe Ku bulide! Oora lyoonse, Nda Ku yandikana.” Leza aku longezye. “Oh, Mufutuli Ulelekedwe, Nda boola kuli Nduwe.”

Nda Ku bula, oh, Nda Ku bula;
 Ino kuti wali lede awo mutumbu mpa lede lino?
 Oora lyoonse Nda Ku yanda!
 Oh, ndi longezye lino, Mufutuli wangu,
 Nda boola kuli Nduwe!

[Mukwesu Branham wang’ung’una—Mul.]

(O Mwami, tula Ku yanda;)
 Oora lyoonse Nda Ku yanda!
 Oh, ndi longezye lino,

Mwami, Nda Ku yanda lino kwiinda Mbwe jisi mu ciindi cilamfu.

Pele Nda boola kuli Nduwe!

²⁰⁶ [Mukwesu Branham watalika kung’ung’una, *Ndi Bulide Nduwe Oora lyoonse*—Mul.]

²⁰⁷ Taata Wakujulu, kunselelo kwiinda mu makkuti twe enda, mukuziba kuti Wa kasyomezya, “Nse kamusiyi, naanka kuti Nka musiye. Amu yandaule lutaanzi Bwami bwa Leza, a bululami Bwakwe, zintu zyoonse zimbi ziyo yungizigwa kuli ndinywe.”

Aboobo Nda boola kuli Nduwe!

²⁰⁸ Ikuti na kuli umwi awa, Mwami, oyo uta luleme mu buntu bwabo; ikuti na bakali kuselemuka mu mukondo oyo, baama bali mpoonya aa miniti eli, O Mwami, akube kuti babe a bumboni obo, abalo. Cileelede kuli ndiswe sunu, Mwami.

²⁰⁹ Tuli ku mamanino aa lweendo, Bukkalo bwa Mbungano ya Laodikeya; ii Mulumbe; kukaka kwa Mulumbe; kusimpikizigwa kwa Mulumbe; a Busyu bwa Kristo kabutondezya kuti Ngu mbobuca, nguwenya mu mazuba akwa Lota, alimwi mu mazuba aa mubili Wakwe, elyo mu mazuba aa sunu; jilo, sunu, amuya myaaka.

²¹⁰ Aba Ku tambule eno mbuli Mufutuli wabo ulelekewe. Ko cipa, Mwami. Nda lomba mu Zina lya Jesu.

Oh, ndi longezye lino, Mufutuli wangu,
Nda boola kuli Nduwe!

Muyandisi loko Mwami,
Masunko ala sweekelwa nguzu zyabo,
Nincobeni, Mwami, cindi Wa swena.

Nda Ku bulide, oh, Nda Ku bulide!

²¹¹ Ikuti na Wa bweza Mwami wakwe, kopumuzya buntu bwakwe buyandisi ku Julu. Ko cipa. Ko cipa, Mwami.

Mufutuli Wangu, Nda boola kuli Nduwe!

²¹² Taata Leza, kotu swiilila. Cili mukuba kuli ndiswe kuti tuzulizye bululami boonse awa. Tu lizi eco Ijwi neo lyaamba. Kotu gwasya, O Mwami, kuti tu zulizye bululami boonse. Kozulizya Ijwi Lyako. Akube kuti musyomi aumwi ano abe a lusyomo lino, mbuli mbo tu boola ku balwazi. Toonse swebo tula botelwa kupona, Mwami; pele lutaanzi ngu jana Buumi Butamani, nkambo eyo nyika yeelede kuboola. Kotu swiilila, Taata, kuciindi mbunga noili mukukomba, kapati balwazi a bapengede bali boonse.

²¹³ Nda libuzya, kufumbwa, ikuti na kuli beenzu bamwi bali andiswe, abo batakali mu cikombelo, nkabela uli cisidwe, alimwi ulangila kuli Leza ku lugwasyo? A mitwe yanu kiikoteme, nyoonse nywebo. Sa inga watambika janza lyako, nobantu beenzu kuli ndime, abo bata ndizi na Nse kuzi, nkabela waboola kuli Kristo lino ku lugwasyo. Tambika buyo janza lyako. Mwabona? Leza aku longezye, yebo, a yebo. Kuli basyoonto.

²¹⁴ Mweelede buyo kusyoma. Oyu Mulumbe tauli mubuyo, ndi Ijwi lya Leza.

²¹⁵ Bona mulindu... A mitwe yanu kiikoteme. Walo uci jatilide janza lyakwe. Walo uciwsa penzi lya moyo. Walo ngu Muka. Nance. Walo uzwa ku Madisonville, Kentucky. Mbo mbubo. Embo na, mulindu? Ula konzya kubusya mutwe wako ikuti na ula yanda. Wa katambikide janza lyako, a kuli bamba buyo. Obo mbwini, embo na? Ikuti na mbo cibede, tambika janza lyako. Bona awo mpo tuponena, beenzuma? [Mbunga yaamba, "Iiyi."—Mul.] Ta ndimuzi mulindu oyo. Ta ndina mubona. Pele ino ncinzi? Ngu citondezyo ca Makanimabotu. Kutegwa inga wa...

²¹⁶ Sena ula ndisyoma kuba musinsimi Wakwe, mulindu? Ula cita na? Nekubaboo, tuli beenzu. Nse kuzi. Eelyo zina lyakali luleme, embo na? Ikuti na cakali kabotu, kufumbwa Nca kamwaambila, ko vukauzya buyo—buyo maanza ako ku bbunga, kutegwa bakonzye kubona kuti eco cakali luleme. [Mbunga yakkoman—Mul.]

²¹⁷ Ncinzi cikonzya kucita ceeco? Jesu waku Nazareta. Kutegwa uzibe kuti Ndili musinsimi wa Leza, a kumwaambila Bwini, nkambo obu cileelede kuli ndiswe. Ii mwanakazi wakaguma cikobela Cakwe, nkabela Wa kanyona a kumwaambila, “kuzwa bulowa,” a kuti cakaima.

²¹⁸ I mulindu uukkede munsi lyako, awalo ujisi penzi lya moyo, awalo. Mbo mbubo. Inzya. Nse muzi. Nywebo mulizi Nse citi, baama. Pele Leza uli muzyi. Walo ulizi penzi lyakwe, sa Ta citi? Muka. Allen, sena ula syoma kuti Leza inga wakubamba kuba kabotu? [I mwanakazi waamba, “Iiyi.”—Mul.] Ikuti na eelyo ndi zina lyako a penzi lyako, tambika janza lyako. Tambika janza lyako, ikuti na mbo mbubo. [Mbunga yabotelwa.]

²¹⁹ Ii mulindu ukkede munsi lyako awo. Nda amba Muka. Bennett. Nyoонse uzwa ku busena bomwe. Ujisi penzi lya nsa mucibaka ca penzi lya moyo. Ula syoma a moyo wako oonse, inga waba kabotu, ayebo. Sena ula cicita, mulindu? Tambika janza lyako, a kwaamba, “Ndila citambula,” mpawo ulakonzya kuya ku muunzi a kuba kabotu. Ikuti na mwakonzya kusyoma! Muli kunselelo mu Kentucky nyoonse, dolopo litegwa Madisonville.

²²⁰ Ukkede nkoonya kusule okuya, mulindu, Muka. Bone. Walo utandila ku Madisonville. Ta poni moonya mu Madisonville, walo ulangide nkoonya kuli ndime. Elyo ngooyo Angelo wiimvwi mpoonya atala lyakwe. Walo ukkala buyo munsi lya Madisonville. Zina lyakwe ngu Cifuwa; penzi lya zipulo zyampemo, bulwazi bwa kufundilila mu kaango, kukola. Ikuti na eco cili luleme, vukauzya janza lyako koonse akoonse, mulindu. Kosyoma aa Mwami Jesu Kristo, a kuya ku muunzi a kuba kabotu.

²²¹ Penzi lya kameneno, munene. Sena ula syoma kuti Leza inga waponya penzi lya kameneno a ku kubamba kuba kabotu? Ko ponesegwa! Koba buyo a lusyomo muli Leza.

²²² Mason. Hopkins, mulindu uusiya uuzwa ku Chicago. Nse kuzi, nsena kubwene mu buumi bwangu. Pele uyanda kuponesegwa kwa kulibilika oko, penzi lyazipulo zyampemo? Koya, kosyoma, nkabela inga waba kabotu, ayebo.

²²³ Muka. Hanes kuzwa ku Columbus, Ohio. Ula syoma Mwami Jesu Kristo, inga waunka ku muunzi a kuba kabotu, ayebo.

²²⁴ Tuli mu lweendo lwa mamanino. Sena mula syoma? [Mbunga yaamba, “Ameni!”—Mul.] Cileelede kuli ndiswe kuzulizya bululami boonse. Wa kasyomezya zintu ezyo kuti ziyooba. Tuli waano. Sena mula cisyoma? [“Ameni!”]

²²⁵ Ee, bikka maanza ako ali umwi aumwi. Ndi yanda ku mubuzya mubuzyo. Sena Jesu waka syomezya zintu ezi kuti ziyooba mu mazuba aakumamanino? Amwaambe, “Ameni.” [Mbunga yaamba, “Ameni”—Mul.] “Mbuli mbo kwakabede mu mazuba akwa Lota. I milimo Nje cita, moyo icita anywebo.” Sena akwalo Wa kaamba eci, “Ezi zitondezyo ziyo batobelwa

abo basyoma. Ikuti na babikka maanza abo aa balwazi, bayo pona”? [“Ameni.”] Sena uli libambilide kubweza kwiima kwako, musyomi? [“Ameni.”] Nkambo obu citubamba kuzulizya bululami boonse.

²²⁶ Bwalo mbululami bwa Leza, kuti cindi tutambala otu awa (Nda bikka maanza angu, mu Zina lya Jesu) ku kuguma; Ndi lizi Muuya Uusalala mpouli ano, Umwi nguonya wakali antomwe a Paulo. “Ba kagusya kuzwa kuli Paulo...” Aboobo uyo ponesegwa, ikuti na uyo cisyoma buyo.

²²⁷ Nda syoma Muuya Uusalala nguwenya, Muuya Uusalala wa Bbaibbele, uli waano cifumo cino, kulitondezya Mwini, Mulumbe wa mazuba aakumamanino, i Muuya Uusalala mulemu Mwini, kali kozyanisya Mwini, kaboola mu mubili wabantu, kacita milimo Yakwe.

²²⁸ Nda kaima cifumo cino, kunsi lya buyumuyumu. Nywebo mulizi buyo kujatikizya eco nce Ndili bambila kumvwa cindi Nda zwa awa. Pele cileelela kuli ndiswe kuti bululami boonse buka zulile.

²²⁹ Leza wakabikka Mulumbe aa moyo wangu. Lino cili mukuba kuli nduwe, mbuli musyomi, oyo ngo syoma. Kuciindi nomu jisi, maanza anu ali umwi aumwi, taku kabi muntu ucisidwe akati kesu, ikuti na uyo syoma buyo eco a moyo wako oonse, kolli bambila kutola kwiima kwako.

²³⁰ Lino, Taata Wakujulu, twa leta kuli Nduwe nkamu eyi ya bantu, kwamana Mulumbe oyu. Mwami Leza, masimpe bantu inga babona eno kuti cili mukuba kuli ndiswe. Cili mukuba musinsimi, kwiima aa Ijwi. Ci leelela kuba cizo ca mbungano, ci leelela kuli mbabo kuti baime. Cili mukuba ku bantu baciswa, kusyoma Ijwi lya Jesu Kristo, cindi Na kati, “Ezi zitondezyo ziyo batobelwa abo basyoma. Ikuti na baka bikke maanza abo aa balwazi, bayo pona.”

²³¹ Nda kali kuyanda kwiita mundando oyo wa mipailo, Mwami. Pele mulumbe oyo wazwaa kuboola kuli ndime, kwiinda ku fooni, wandi zungaanya, Taata. O Leza, Ijwi Lyako lilati, “Ce elede kuli ndiswe kuti tu zulizye bululami boonse.” Mpaawa mpo babede, umwi aumwi.

²³² I Muuya Uusalala uli waano kutondezya kuti Uli akati kesu. Lino lekela Nguzu zya Leza, lekela bumboni bwa Muuya Uusalala, kunjila mu myoyo ya bantu aba ndyoonya lino, kubapa kaanzambwene; mbuli Daniele mbwa kajisi, mbuli Nowa mbwa kajisi, mbuli Enoki mbwa kajisi, mbuli Johane mbwa kajisi, mbuli Petro mbwa kajisi, mbuli Paulo mbwa kajisi, mbuli Jesu mbwa kajisi, mbuli Abrahamu mbwa kajisi, mbuli boonse babo mboba kajisi, Mwami. Kuti, cileelede kuli ndiswe mu bukkalo obu, oko nguzu zyakuponya zya Buleza nko zitilwa, zitondezyo a zigambyo kazicitwa, kusinsimuka kupati kwaba akati ka bantu, Muuya Uusalala walokela akati ka bantu. Ba koongolola,

bakaamba mu myaambo, kasinsima, zipego zipati, a zitondezyo a zigambyo. I Angelo wa Mulumbe, Angelo wa bukkalo walibonya kuli ndiswe mu ciimo ca Muuya Uusalala, alimwi Walo utuletelala Mulumbe. Tula Ubuna kauzulizigwa. Tula Mu bona kabweza mibili yesu a kutusandula kuzwa ku bantunsi bafwika, kuya mu baiminizi ba Leza, ku kanana zigambyo zipati zitondezyo a. Cindi twa bona zintu ezi, mpawo cili mukuba kuli ndiswe kuti tuzulizye bululami boonse.

²³³ Cindi twa ziba kuti Abrahamu waka cebukila Lota, kuti cindi Daniele naka konzya kulanga kuli Abrahamu, kuti cindi Johane nakali kukonzya kulanga kuli Daniele, (O Leza!) kuti cindi Petro a Johane niba kakonzya kulanga kuli Jesu. Elyo cindi twa konzya kulanga kuli mbabo, elyo sunu tula bona micelo njiyonya akati kesu, mpawo cili mukuba kuli ndiswe kuti tu zulizye bululami boonse.

²³⁴ Lekela Nguzu zya Jesu Kristo zifulida buyake obu, a lusyomo lwa Buleza, a kuponya muntu oonse omuno, wa mapenzi oonse a malwazi oonse, Mwami. Elyo, mbuli mulanda Wako, Nda lailila dyabulosi oyu waka tonta cifumo coonse, oyo wakasola kundi bamba kuzwa mu cikambaukilo eci! Ku luzyalo lwa Leza, Nda kakkala awa, ku bacete aba, bacisidwe na—na kupenga kwa Leza.

²³⁵ Kozwa muli mbabo, Saatani, yebo dyabulosi! Nda kulailila, kwiinda kuli Jesu Kristo Leza muumi, kuti uzwe ku bantu aba, nkabela to cibapenzya limbi, nkambo ba laima mbuli bana ba Hebrayo mu oora lya sukusyo, kuti babweze kwiima kwabo, a kuponesegwa kuzwa ku oora eli kuyabuya. Kwiinda mu Zina lya Jesu Kristo, Nda lailila malwazi a badyabolosi ba mbunga eyi, obo bwakasika kucisya bantu aba, kozwa kuli mbabo!

²³⁶ A mitwe yesu kiikoteme, myoyo yesu kuli Leza, Ndiyo imba lwiimbo. Ndiyo cisola, a lugwasyo lwanu a lugwasyo lwa Leza. *Lusyomo Lwangu Lulanga Kuli Nduwe*. Nse yandi kuti uzumbauzya, nokuceya, pele Ndi yanda kuti usyome lino. Ci leelete kuli ndiswe. Mbangaye Banakristo bali muno? Amu tambike maanza anu, a kwaamba, “Ameni.” [Mbunga yaamba, “Ameni!”—Mul.] Mbangaye basyomi? Amwaambe, “Ameni.” “[Ameni!]” Mbangaye babikka maanza anu ali bamwi? Amwaambe, “Ameni.” “[Ameni!]” Mpawo cili mukuba kuli ndiswe kuti tu zulizye bululami boonse.

Lusyomo lwangu lulanga kuli Nduwe,
Yebo Kabelele wa Kalivari,
Mufutuli Wabuleza;
Lino kondimvwa kuciindi ne Ndi komba,
Bweza milandu yangu yoonse... (Lino, *cibi*
calo “nkutasyoma”)
O ndileke kuzwa buzuba buno
Kuba Wako cakumaninina!

Kuciindi Ne enda mu buumi bwabube
 bwatuzila twa musinze,
 Elyo mafwabi a ndivumbilila koonse, (Leza,
 koba Mweenzyi wangu eno!)
 Koba Nduwe Mweenzyi wangu;
 Lailila mudima kuba isikati,
 Kosinda misozi ya buusu,
 Tandi lekeli kusola kuleya kuzwa kuli Nduwe
 kumbali.

²³⁷ A mitwe yesu kiikoteme. Oyo mutumbu wakaindi uuyandwa wangu wakainda kuzwa Ne kali kukambauka, akube kuti jwi lyangu liseluke kwiinda mujeele mpatti yaku Julu.

²³⁸ Cindi na kandaambila, buzuba bumwi, waa kati, “Billy, wa ndisanina. Wa kabbadelela renti yangu a cikwelete cangu ca mumuni, kondipa cintucimwi cakulya.” Kati, “Oyandwa, cindi nokali mulombe muniini, Nda kazwa mu bube bwaciindi a kugonkela nkuni, kukubamba mulilo wakukasaazya. Elyo Nda kaku jikila, eco neo twa kajisi mu ng’anda, caku jika.” Ku mubona kalede awo, elyo alo maanza maniini akompeme akaindi akasanzya zisani zyesu zyatombé. Waimikila kutakwe lugwasyo, taakwe Nce konzya kucita.

²³⁹ Nda kati, “Baama, mu maanza aa Leza muumi, Nda lumbaizya buntu bwako bululeme.”

²⁴⁰ Ikuti na wakaunka kuzwida eelyo; boonse babo baunka, bakwesu mbe boonse abo basyeede. I mulumbe awa aa eikambaukilo wakali mucimo cibyaabi loko. Ikuti na waunka, Leza pumuzya buntu bwakwe. Ikuti na ucili andiswe, alimwi andiswe mane sunumasiku, ku luzyalo lwa Leza Ndi nooli okuno ku cikambaukilo kuzo zulizya bulizi bwangu, nkambo cila yandikana kuli ndime kuti Ndi zulizye bululami boonse.

²⁴¹ Mbuli Mbwe jana, Ndila pa kuswaangana ku Mukwesu Neville, mweembeli wangu uubeleka aamwi.



CILEELELA KULI NDISWE KUZULIZYA BULULAMI BOONSE TNG61-1001M
(It Becometh Us To Fulfil All Righteousness)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Kavumbikaniini 1, 1961, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org